

東周館

宗晉

漢書評林卷之八

明 吳興 凌 稚隆 輯校

東京 菊池 純校閱

日本 美濃 杉山 令訓點

宣帝紀第八

孝宣皇帝

荀悅曰、諱詢、字次卿、詢之字曰、武帝曾孫、戾太子孫也。

兵、故諱曰、戾、臣瓚曰、太子戾、江充、以除、賊、而事不見、明、後武、太子納史良娣、服虔曰、史、

姓也、其娣官也、師古曰、太子有、妃、有、生史皇孫、師古曰、以外家姓、皇孫納王夫

人、生宣帝、號曰皇曾孫、生數月、遭巫蠱事、太子良娣、皇孫王夫人

皆遇害、語在太子傳、曾孫雖在襁緥、

古曰、襁、即今之小兒、緥也、緥、孟說是、猶坐收繫郡邸獄、

也、襁、音居、丈反、緥、音保、緥、音補、耕反、而丙吉為廷尉監、

於郡邸、憐曾孫之亡辜、使女徒復作淮陽趙徵、卿涓城胡組、更乳

隆按、讀宣帝傳、止見帝之仁民、愛物、四夷、實服、禮、祥、屢見而至、子、禮、刻、少、恩、威、則、子、別、傳、詳、之、吳、會、曰、天下之、事、多、成、示、實、賤、威、激、之、中、而、敗、于、富、貴、安、樂、之、際、理、固、無、足、疑、者、蘇、秦、其、所、成、就、雖、不、足、遣、使、其、有、二、頃、之、田、其、能、領、六、國、相、印、乎、又、况、乎、為、天下、者、積、故、中、與、難、子、創、業、是、謂、不、刊、之、說、宣、帝、所、以、稱、于、西

漢者正以其起  
子民聞耳

劉放曰武帝後  
元二年無赦元  
年乃有蓋後人  
誤作後元元年  
及就元字注二  
字後又誤為二

**養**。孟康曰：復舊服，謂弛刑徒也。有赦令，詔書去其鉗，絀衣，更犯事，不從徒，加與民為例。故當復舊官，作滿其本罪年月日，律名為復舊也。師古曰：孟說，是也。趙徵卿，淮陽人，胡祖，涇城人，皆女徒也。二人更遇乳，養曾孫，而丙吉傳云：郭徵卿，紀傳不同，未知孰是。更音工，衡反。**私給衣食**。視遇甚有恩。巫蠱

**事連歲不決**。至後元二年，武帝疾，往來長楊五柞宮。師古曰：長楊五柞，二宮並在盤屋，皆以樹名之。帝往來二宮之間也。柞字或作柞，其音同。**望氣者言**：長安獄中有天子氣。上遣使者分

**條中都官獄繫者**。師古曰：中都官，凡京師諸官府也。**輕重皆殺之**。內謁者令郭穰夜至

**郡邸獄**。師古曰：百官表云：內謁者署屬少府。續漢書志云：掌宮中布張諸器物。丁字漢官云：令秩千石，蓋當時權為此使。**吉拒閉**，使者不

**得入**。曾孫賴吉得全，因遭大赦，吉迺載曾孫送祖母史良娣家。語

**在吉及外戚傳**。後有詔掖庭養視。上屬籍宗正。應劭曰：掖庭，宮人之官，有正著其屬籍。**時掖庭令張賀嘗事戾太子**，思顧舊恩。師古曰：哀，曾孫

**奉養甚謹**，以私錢供給教書。既壯，為取暴室畜夫許廣漢女。應劭曰：暴室，宮

**人獄也**。今日薄室，許廣漢坐法，廢為宦者，作畜夫也。師古曰：暴室者，掖庭主織作染練之

**多**，因為置獄主治其罪人，故往往云暴室。耳，然本非獄名。應

**兄弟及祖母家史氏**，受詩於東海潁中翁。師古曰：東海人，姓潁，字中翁也。復音房，福反。中，讀曰仲。**高**

**材好學**，然亦喜游俠。師古曰：喜音許吏反。**鬪雞走馬**，具知閭里姦邪。吏治得失

**數上下諸陵**。師古曰：諸陵，皆據高敞地，為之，縣即在其側。帝每周徧三輔，游行皆

**常困於蓮勺鹵中**。如淳曰：為人所困辱也。蓮勺，縣有鹽池，縱廣十餘里，其鄉人

**尤樂杜鄠之間**。師古曰：二縣之間也。杜，屬京兆，鄠屬扶風，鄠音風。**率常在下杜**。孟

**時會朝請舍**。長安尚冠里。文穎曰：以屬弟，尚親，故歲時隨宗室朝會也。如

**身足下有毛**。臥居數，有光

**每買餅**，所從買家輒大饑。師古曰：饑讀曰售。**亦以是自怪**。元

**平元年**四月，昭帝崩，母嗣。大將軍霍光請皇后徵昌邑王。六月丙

**寅**，王受皇帝璽綬，尊皇后曰皇太后。癸巳，光奏王賀淫亂，請廢。語

**在賀及光傳**。秋七月，光奏議曰：禮，人道親親，故尊祖，尊祖，故敬宗。

**大宗無嗣**，擇支子孫賢者為嗣。孝武皇帝曾孫病已。師古曰：蓋以夙遭

**有詔掖庭養視**。至今年十八，師受詩論語孝經。操

**行節儉**。慈仁愛人，可以嗣孝。昭皇帝後，奉承祖宗子萬姓。師古曰：天

陸接叙帝初生  
及乳養及既壯  
及嗜好及居里  
曲悉詳盡固見  
帝之備嘗艱苦  
而丙吉張賀及  
史氏奉養之功  
亦因以具見云  
王莽曰昌邑之  
惡賊不可以君  
天下然屬不審  
之干始則霍光  
之遇也  
陸接此傳恣態  
生色却汗諸詔  
中見之

為子故云。奏可。遣宗正德至曾孫尚冠里舍。洗沐賜御府衣。太僕以

子萬姓。幹獵車奉迎曾孫。文穎曰：幹獵小車，前有曲輿，不衣也。近世謂之幹獵車也。孟康曰：今之載獵車也。前有曲輪，特高大，獵時立其中，格射禽獸。李奇曰：

輿與輕車也。師古曰：文李二說皆是。時未備天子車。駕故且取其輕便耳，非藉高大也。孟說失之。幹音鈴。就齊宗正府。庚申入未央

宮。見皇太后，封為陽武侯。師古曰：先封侯者不。已而羣臣奏上璽綬。卽

皇帝位。謁高廟。八月己巳，丞相敞薨。師古曰：楊敞也。九月，大赦天下。十一

月壬子，立皇后許氏。賜諸侯王以下金錢，至吏民鰥寡孤獨，各有

差。皇太后歸長樂宮。長樂宮初置屯衛。

本始元年春正月，募郡國吏民嘗百萬以上徙平陵。文穎曰：遣使

者持節，詔郡國二千石，謹牧養民，而風德化。師古曰：以德化之。故云。風也。詩序曰：上以風化下。

大將軍光稽首歸政。上謙讓委任焉。論定策功，益封大將軍光萬

七千戶。車騎將軍光祿勳富平侯安世萬戶。李奇曰：居光祿位，以車騎

日。故丞相安平侯敞等居位守職，與大將軍光車騎將軍安世建

議定策，以安宗廟。功賞未加而薨。其益封敞嗣子忠及丞相陽平

侯義。師古曰：蔡義。度遼將軍平陵侯明友。師古曰：范明友。前將軍龍錐侯增。師古曰：韓增。

太僕建平侯延年。師古曰：杜延年。太常蒲侯昌。師古曰：蘇昌。諫大夫宜春侯譚。師古曰：日王。

當塗侯平。師古曰：功臣表云：魏不害以捕反者胡情功，封當塗侯。其子聖以定策

侯勝。師古曰：夏侯勝。邑戶各有差。封御史大夫廣明為昌水侯。師古曰：田廣明。後將

軍充國為營平侯。師古曰：趙充國。大司農延年為陽城侯。師古曰：田延年。少府樂成

為爰氏侯。師古曰：史樂成。光祿大夫遷為平丘侯。師古曰：王遷。賜右扶風德。師古曰：周德。

典屬國武。師古曰：蘇武。廷尉光。師古曰：李光。宗正德。師古曰：趙元王之大鴻臚賢。師古曰：古

詹事疇。蘇林曰：疇音踰。後之踰，師古曰：宋疇也。音居宜反。光祿大夫吉。師古曰：丙吉。京輔都尉廣漢。

各一人。章昭曰：中國為內郡，緣邊有夷狄障塞者為外郡。五月，鳳皇集膠東千

乘。赦天下。賜吏二千石諸侯相下。至中都官宦吏六百石爵。各有

爵皆關內侯。德武食邑。張晏曰：舊

國。劉德宗室俊彥，故特令食邑。

夏四月，庚午地震。詔內郡國舉文學高第

不及中二千石

吳京曰：扶風以下八人而獨德武食邑者蓋於德則親親於武則賢也。

劉敞曰：此賜爵不及中二千石

者綠王即位九族率已為關內侯矣

差。師古曰、中都官謂在京師諸官也、宦吏、諸奄官也、自左更至五大夫。師古曰、左更、第十二爵也、五大夫、第九爵也、更音工衡反、賜

天下人爵各一級。孝者二級。女子百戶牛酒。租稅勿收。六月詔曰。

故皇太子在湖。未有號諡。師古曰、湖縣名也、死於湖、因即葬焉、歲時祠。其議諡。置園邑。語

在太子傳。秋七月。詔立燕刺王太子建。為廣陽王。師古曰、刺音來曷反、立廣陵

王胥少子弘。為高密王。

二年春。以水衡錢為平陵。徙民起第宅。應劭曰、水衡與少府皆天子弘彌耳、縣官公作、當仰給司農、今山水衡錢、

言宣帝即位、為異政也、晉灼曰、食貨志、初大司農管鹽鐵、官布多、故置水衡、欲以主鹽鐵、及楊可告緡、上林財物衆、乃令水衡主上林、上林三官主鑄錢也、大司農

陽城侯田延年有罪自殺。師古曰、坐增、備重而自入、夏五月。詔曰。朕以眇身奉承

祖宗。夙夜惟念。孝武皇帝躬履仁義。選明將討不服。匈奴遠遁。平

氏羌。昆明南越。百蠻鄉風。款塞來享。應劭曰、款叩也、晉叩塞門來服從也、建太學。修郊祀。

定正朔。協音律。封泰山。塞宣房。蘇林曰、隕名、在東郡界、符瑞應。寶鼎出。白麟獲。

功德茂盛。不能盡宣。而廟樂未稱。師古曰、稱副也、其議奏。有司奏請。宜加

尊號。六月庚午。尊孝武廟為世宗廟。奏盛德文始五行之舞。應劭曰、宣帝後

承昭德之舞、為盛德舞、以尊世宗廟也、諸帝廟皆常奏文始四時五行舞也、天子世世獻武帝巡狩所幸之郡國。

皆立廟。賜民爵一級。女子百戶牛酒。匈奴數侵邊。又西伐烏孫。烏

孫昆彌及公主。因國使者上書。師古曰、昆彌、烏孫王之號也、國使者、漢朝之使也、言昆彌願發國

精兵擊匈奴。唯天子哀憐出兵。以救公主。秋。大發興。調關東輕車

銳卒。選郡國吏三百石。伉健習騎射者。皆從軍。師古曰、伉強也、音口浪反、御史大

夫田廣明為祁連將軍。應劭曰、祁連、匈奴中山名也、諸將分部、廣明值此山、因以為號也、師古曰、祁音巨夷反、後將軍

趙充國為蒲類將軍。應劭曰、蒲類、匈奴中海名也、在敦煌北、音均曰、匈奴傳有蒲類澤、師古曰、音說是也、雲中太守田

順為虎牙將軍。及度遼將軍范明。友前將軍韓增。凡五將軍兵十

五萬騎。校尉常惠持節護烏孫兵。咸擊匈奴。

三年春正月。癸亥。皇后許氏崩。戊辰。五將軍師發長安。夏五月。軍

罷。祁連將軍廣明。虎牙將軍順。有罪。下有司。皆自殺。晉灼曰、田千秋子也、廣明坐逗留、順

坐增、校尉常惠將烏孫兵。入匈奴右地。大克獲。封列侯。大旱。郡國

傷旱。甚者民毋出租賦。二輔民就賤者。且毋收事。盡四年。晉灼曰、不給官役也、

隆接驗以十五萬計可不謂窮兵哉而不過以公主上書故也則和親之舉為息兵爾安得觀為公主與兵而罷中國以快一烏孫耶是失計也

師古曰、叔謂祖也、事謂六年春正月詔曰蓋聞農者興德之本也今歲不登已遣使者振

貸困乏其令太官損膳省宰師古曰膳具食也食之善者也宰為屠殺也省樂

府減樂人使歸就農業丞相以下至都官令丞師古曰都官令丞上書

入穀輸長安倉助貸貧民民以車船載穀入關者得毋用傳師古曰

也欲穀之多故不問其二月乙卯立皇后霍氏賜丞相以下至郎吏從

官金錢帛各有差救天下夏四月壬寅郡國四十九地震或山崩

水出詔曰蓋災異者天地之戒也朕承洪業奉宗廟託于士民之

上未能和羣生廼者地震北海琅邪壞祖宗廟朕甚懼焉丞相御

史其與列侯中二千石博問經學之士有以應變輔朕之不逮毋

有所諱令三輔太常內郡國舉賢良方正各一人律令有可蠲除

以安百姓條奏被地震壞敗甚者勿收租賦大赦天下上以宗廟

墮素服避正殿五日師古曰墮者五月鳳皇集北海安丘淳于師古

也音火規反

王禕曰光既知陰妻之邪謀矣而卒欲責其女禮秩賞賜又從而修縱焉無謂甚矣王莽曹操皆以女為后蓋微光者也胡寅曰是時郡國四十九同日地震山崩二郡壞祖宗廟蓋霍氏專權又弑許后而立其女以至名微著見如此真德秀曰漢自文帝日食下詔之後屢為故常不皆出于誠意王禕曰北海今青雍密三州之

地廣川故信都國今深冀保一州之地

北海郡秋廣川王吉有罪廢遷上庸自殺

地節元年應劭曰以先者地震山崩水出於春正月有星孛于西方三月

假郡國貧民田師古曰權以夏六月詔曰蓋聞堯親九族以和萬國

朕蒙遺德奉承聖業惟念宗室屬未盡而以罪絕若有賢財改行

勸善其復屬使得自新師古曰復冬十一月楚王延壽謀反自殺十

二月癸亥晦日有蝕之

二年春三月庚午大司馬大將軍光薨詔曰大司馬大將軍博陸

侯師古曰尊宿衛孝武皇帝三十餘年輔孝昭皇帝十有餘年遭大

難躬秉義率三公諸侯九卿大夫定萬世策以安宗廟天下蒸庶

咸以康寧功德茂盛朕甚嘉之復其後世疇其爵邑張晏曰律非始封

言不復減也師古世世母有所與功師古曰與如蕭相國夏四月鳳皇集

魯郡羣鳥從之師古曰今流俗書本此下云戊申立皇太子而後年又有立皇太子

大赦天下五月光祿大夫

此書加之書本無也據疏廣及丙吉傳並云地節三年立皇太子此即明驗而或者妄為臆說乖於實矣

陳仁子曰宣帝之嘉霍光畏之也非愛之也史言帝在民間聞霍氏貴盛心不能善故光存則光亡則得于新后之立內有畏之之心外有愛之之禮至魏相之計一售而族無應類此蓋帝無愛光之素心然也

王禕曰漢無每日常朝之禮至是知五日一聽事也望之謂何書百官之本國案樞機時恭為尙書令顯為僕射安任其為樞機周密乎劉歆曰至于子孫謂實賜逮及尙書至子孫不改易也

隆按樞機數句敘事而來致語陳仁子曰宣帝綜核名實之主也此王成爲增戶口乃受上賞後問長吏問得其實亦不加罪蓋帝必風厲初直假此風厲臣下雖失之一人而得之千萬人矣不然帝豈甘心受欺哉

平丘侯王遷有罪下獄死。上始親政事。又思報大將軍功德。廼復使樂平侯山領尙書事。師古曰：遷山光之兄弟。而令羣臣得奏封事以知下情。五日一聽事。自丞相以下各奉職奏事。以傳奏其言。應劭曰：敷陳也。各自奏陳其言。然後試之以官考其功德也。師古曰：傳讀曰敷。考試功能。侍中尙書功勞當遷。及有異善。厚加賞賜。至于子孫終不改易。師古曰：言各久其職事也。樞機周密。品式備具。上下相安。莫有苟且之意也。

三年春三月詔曰。蓋聞有功不賞。有罪不誅。雖唐虞猶不能以化天下。今膠東相成勞來不怠。師古曰：王成也。勞來者言慰勉而招延之。流民自占八萬餘口。師古曰：占者謂自隱度其戶口。而著名籍上也。占音之贍反。治有異等。其秩成中二千石。賜爵關內侯。又曰。鰥寡孤獨高年貧困之民。朕所憐也。前下詔假公田貸種食。其加賜鰥寡孤獨高年帛二千石。嚴教吏謹視遇。毋令失職。令內郡國舉賢良方正可親民者。夏四月戊申立皇太子。大赦天下。賜御史大夫爵關內侯。中二千石。爵右庶長。天下當爲

陳仁子曰孝文舉孝弟孝武舉孝弟至孝宣亦舉孝弟而帝號皆加孝之一字史官漢風俗醇厚其禮果在上不在下也

父後者。爵一級。賜廣陵王黃金千斤。諸侯王十五人。黃金各百斤。列侯在國者八十七人。黃金各二十斤。冬十月詔曰。廼者九月壬申地震。朕甚懼焉。有能箴朕過失。及賢良方正直言極諫之士。以匡朕之不逮。毋諱有司。李奇曰：諱避也。雖有司在。願諱。皆言其過。勿避之。朕既不德。不能附遠。是以邊境屯戍未息。今復飭兵重屯。久勞百姓。師古曰：飭讀與救同。飭整也。非所以綏天下也。其罷車騎將軍右將軍屯兵。又詔池籩未御幸者。假與貧民。蘇林曰：折竹以繩。繩連禁。與。使人不得往來。律名爲繫。郡國宮館勿復修治。流民還歸者。假公田貸種食。師古曰：種五穀。種也。音之勇反。且勿算事。師古曰：不出山。算賦。及給徭役。十一月詔曰。朕既不逮。導民不明。師古曰：不逮者。意慮不及也。反側晨興。念慮萬方。不忘元元。唯恐羞先帝聖德。故竝舉賢良方正。以親萬姓。歷載臻茲。然而俗化闕焉。師古曰：多歷三年。曠。迄至于今。傳曰。孝弟也者。其爲仁之本與。其令郡國舉孝弟有行義。聞於鄉里者各一人。十二月初置廷尉平四人。秩六百石。省文山郡并蜀。師古曰：以其縣道隸蜀郡。

陳瓚曰宣帝之政見于風俗者方見于此  
陳仁子曰漢帝代舉孝弟而宣帝復詔有喪者勿絲事有人心者於焉變矣  
吳德秀曰宣帝此詔可謂善酌人情之至噫帝以景帝保國而存似亦有所屬而然耶

四年春二月封外祖母為博平君故鄼侯蕭何曾孫建世為侯詔日導民以孝則天下順今百姓或遭衰經凶災師古曰衰音千同反而吏絲事使不得葬師古曰絲讀曰傷事謂使使之傷孝子之心朕甚憐之自今諸有大父母父母喪者勿絲事使得收斂送終盡其子道夏五月詔日父子之親夫婦之道天性也雖有患禍猶蒙死而存之師古曰蒙冒也誠愛結於心仁厚之至也豈能違之哉自今子首匿父母妻匿夫孫匿大父母皆勿坐師古曰凡首匿者言為謀首而藏匿罪人其父母匿子夫匿妻大父母匿孫罪殊死皆上請廷尉以聞立廣川惠王孫文為廣川王秋七月大司馬霍禹謀反詔日廼者東織室令史張赦應劭曰密時有東西織室織作文備郊廟之服令史其主者更魏郡豪李竟報冠陽侯霍雲謀為大逆如淳曰報白也師古曰此說非也謂張赦因李竟傳言於霍雲與共謀反朕以大將軍故抑而不揚冀其自新今大司馬博陸侯禹與母宣成侯夫人顯及從昆弟冠陽侯雲樂平侯山師古曰據霍光傳雲山曾去病之孫諸姊妹壻度遼將軍范明友長信少

陳仁子曰鹽者五味之一而民食不可缺賢其文學謂民間疾苦願皆罷之宣帝不罷其權而僅減其價雖不免爭利亦未嘗盡利也

府鄧廣漢中郎將任勝騎都尉趙平長安男子馮殷等晉灼曰漢語字子都謀為大逆顯前又使女侍醫淳于衍進藥殺共哀后師古曰殺讀曰殺謀毒太子欲危宗廟逆亂不道咸伏其辜諸為霍氏所誣誤未發覺在吏者皆赦除之八月己酉皇后霍氏廢九月詔日朕惟百姓失職不贍遣使者循行郡國問民所疾苦吏或營私煩擾不顧厥咎朕甚閱之今年郡國頗被水災已振貸鹽民之食而賈咸貴師古曰賈讀曰賈眾庶重困師古曰更增其困也其減天下鹽賈又日令甲死者不可生如淳曰令有先後故有令甲令乙令丙師古曰如說是也甲乙者若今之第一第二篇耳刑者不可息師古曰息謂生長也言刑別廢割之徒不可更生長亦猶謂子為息此先帝之所重而吏未稱今繫者或以掠辜若飢寒瘦死獄中耳蘇林曰瘦病也囚徒病律名為瘦如淳曰律囚以飢寒而死曰瘦師古曰瘦病是也此言囚或以掠等及飢寒及疾病而死如說非矣瘦音庚字或作瘠其音亦同何用心逆人道也朕甚痛之其令郡國歲上繫囚以掠答若瘦死者所坐名縣爵里師古曰名其人姓名也縣所屬縣也丞相御史課殿最以聞師古曰凡言殿最者殿後也課居後也殿凡要之首也課居先也殿音丁見反十一月清河王年有罪廢遷房陵

王禕曰改元誅霍氏故也

元康元年春。以杜東原上為初陵。更名杜縣為杜陵。徙丞相將軍列侯吏二千石訾百萬者杜陵。三月詔曰。廼者鳳皇集泰山陳留。甘露降未央宮。朕未能章先帝休烈。協寧百姓。承天順地。調序四時。獲蒙嘉瑞。賜茲祉福。夙夜兢兢。靡有驕色。內省匪解。永惟罔極。師古曰。省。視也。永。長也。惟。思也。罔。無也。極。中也。帝言內自觀察。不敢惰怠。長思政道。恐無其中也。解。讀曰。解。書不云乎。鳳皇來儀。庶尹允諧。師古曰。虞書。益稷之篇曰。蕭韶九成。鳳皇來儀。擊石拊石。百獸率舞。庶尹允諧。言奏樂之和。鳳皇以其容儀。來下。百獸相率舞。是乃衆官之長信。皆和輯。故其赦天下徒。賜勤事吏中二千石。自中郎神人吏至五大夫。佐史以上二級。師古曰。賜。中郎。吏。爵。得。至。五大夫。自此以上。每為五大夫。自此以下。而差降。民一級。女子百戶。牛酒。加賜鰥寡孤獨三老孝弟力田。帛。所振貸勿收。夏五月。立皇考廟。益奉明園戶。為奉明縣。師古曰。奉。明。園。即。皇。本名。廣。明。後。追。改。也。復高皇帝功臣絳侯周勃等百三十六人家子孫。令奉祭祀。世世勿絕。其母嗣者復其次。秋八月。詔曰。朕不明六藝。鬱于大道。孟康曰。鬱。不通也。是以陰陽風雨未時。其博舉吏民厥身修正通。

劉敞曰。爵。自。中。郎。吏。文。誤。蓋。本。云。自。中。更。至。五。大夫。傳。者。誤。以。更。為。吏。遂。衍。出。郎。字。尋。本。始。元。年。詔。文。則。知。此。說。是。隆。接。功。臣。年。表。詔。復。家。者。皆。云。元。康。四。年。蓋。紀。誤。附。

劉敞曰。此。詔。是。下。丞。相。御。史。者。故。云。各。二。人。

劉敞曰。身。不。修。則。不。能。舉。下。法。不。舉。則。或。阿。枉。如此。則。坐。罪。者。乃。無。辜。安。得。如。文。王。刑。茲。無。赦。也。

文學明於先王之術。宣究其意者各二人。中二千石各一人。冬置建章衛尉。

二年春正月。詔曰。書云。文王作罰。刑茲無赦。師古曰。周書康誥之辭也。言文王作法罰。其有亂常違教者。則刑之。無赦釋也。今吏修身奉法。未有能稱朕意。朕甚愍焉。其赦天下與士

大夫厲精更始。師古曰。言文王作罰。有犯之者。皆刑無赦。今我意有所。閱閱。吏修身奉法矣。而未稱其在。故特赦之。與更始耳。二月乙丑。立皇后王氏。師古曰。王。奉。光。女。賜丞相以下至郎從官錢帛。各有差。三月。以鳳皇甘露降集。賜天下吏爵二級。民一級。女子百戶。牛酒。鰥寡

孤獨高年帛。夏五月。詔曰。獄者萬民之命。所以禁暴止邪。養育羣生也。能使生者不怨。死者不恨。則可謂文吏矣。今則不然。用法或持巧心。析律貳端。深淺不平。師古曰。析。分也。謂分。律。條。妄。生。端。緒。以。出。入。人。罪。增辭飾非。以成其罪。奏不如實。上亦亡繇知。師古曰。上。者。天子。自。謂。也。此朕之不明。吏之不稱。四方

黎民將何仰哉。二千石各察官屬。勿用此人。吏務平法。或擅興繇役。飾厨傳。稱過使客。韋昭曰。厨。謂。飲。食。傳。謂。傳。舍。言。修。飾。意。氣。以。稱。過。使。而。已。師古曰。使人及賓客來者。稱其意。而遣之。令過去也。稱音尺孕。

陳仁子曰。與。稱。役。者。是。劉。民。以。



賜好者也。節尉  
傳者是要譽以  
持賜者也。二者  
相須而然。帝賜  
更弊痛哉。兩端  
具知情偽之素  
益深。

茅坤曰：詔簡而  
厚。隆接宣帝不殺  
昌邑而顯封之  
此猶有三代忠  
厚遺意。

隆接無德不報  
帝賜以之乃德  
勾中之因不  
問也。則帝于節

反過者過。越職踰法。以取名譽。譬猶踐薄冰以待白日。豈不殆哉。今  
天下頗被疾疫之災。朕甚愍之。其令郡國被災甚者。毋出今年租  
賦。又曰：聞古天子之名難知而易諱也。今百姓多上書觸諱。以犯  
罪者。朕甚憐之。其更諱詢。諸觸諱在令前者赦之。師古曰：令  
謂今詔書。冬。京兆  
尹趙廣漢有罪。要斬。

三年春。以神爵數集泰山。賜諸侯王丞相將軍列侯二千石金。郎  
從官帛。各有差。賜天下吏爵二級。民一級。女子百戶牛酒。鰥寡孤  
獨高年帛。三月。詔曰：蓋聞象有罪。舜封之。骨肉之親。祭而不殊。師  
古曰：祭明也。殊絕也。當  
明於仁。恩不離絕也。其封故昌邑王賀。為海昏侯。又曰：朕微眇時。御史

大夫丙吉。中郎將史曾。史玄。長樂衛尉許舜。侍中光祿大夫許延  
壽。皆與朕有舊恩。及故掖庭令張賀輔導朕躬。修文學經術。恩惠  
卓異。厥功茂焉。詩不云乎：無德不報。師古曰：大雅抑之詩也。  
言受人之德。必有報也。封賀所子  
弟子侍中中郎將彭祖。為陽都侯。如淳曰：賀張世兄。有一子。早死。故以彭  
祖為子。師古曰：所子者。言養弟子。以為子。

且弗酬矣。才是  
帝王之度。

追賜賀謚曰陽都哀侯。吉曾玄舜延壽皆為列侯。故人下至郡邸  
獄復作。師古曰：謂胡組趙徵卿  
之輩也。復音扶。目反。嘗有阿保之功。臣瓚曰：阿  
倚。保養也。皆受官祿田宅

財物。各以恩深淺報之。夏六月。詔曰：前年夏。神爵集雍。音灼曰：漢注。大  
如。鵲。箭。黃。喉。白  
顯。黑。背。腹。斑。文。也。  
師古曰：鵲音晏。今春五色鳥以萬數。飛過屬縣。師古曰：三  
輔諸縣也。翺翔而舞。

欲集未下。其令三輔毋得以春夏擗巢探卵。彈射飛鳥。師古曰：擗音佗  
狄反。射音食。亦  
反。具為令。立皇子欽。為淮陽王。

四年春正月。詔曰：朕惟耆老之人。髮齒墮落。血氣衰微。亦亡暴虐  
之心。今或羅文法。拘執囹圄。不終天命。朕甚憐之。自今以來。諸年  
八十以上。非誣告。殺傷人。佗皆勿坐。遣太中大夫彊等十二人。循

行天下。存問鰥寡。覽觀風俗。察吏治得失。舉茂材異倫之士。二月。  
河東霍徵史等謀反。誅。三月。詔曰：廼者神爵五采以萬數。集長樂  
未央北宮高寢甘泉泰畤殿中。及上林苑。朕之不逮。寡于德厚。屢  
獲嘉祥。非朕之任。其賜天下吏爵二級。民一級。女子百戶牛酒。加

茅坤曰：漢重  
告者之罪。以故  
年八十而猶坐

隆接宣帝號核名實彼神爵風皇之祥帝果皆核之而實而以改年耶此與武帝紀年元鼎元符之意均之夸大云爾

賜三老孝弟力田帛人二匹。鰥寡孤獨各一匹。秋八月。賜故右扶風尹翁歸子黃金百斤。以奉其祭祀。又賜功臣適後黃金。人二十斤。師古曰。適讀曰。適。承嗣者也。或子。或孫。不拘後裔。故總言後也。丙寅。大司馬衛將軍安世薨。比年豐穀。石五錢。師古曰。比類也。

神爵元年。應劭曰。前年神爵集。于長樂宮。故改元。春正月。行幸甘泉。郊泰畤。三月。行幸河

東。祠后土。詔曰。朕承宗廟。戰戰栗栗。惟萬事統。未燭厥理。師古曰。惟思也。統緒也。燭。也。燭。也。迺元康四年。嘉穀玄稷。降于郡國。服虔曰。玄。稷。黑粟也。神爵仍集。金芝九

莖。產于函德殿銅池中。服虔曰。金芝。色像金也。如淳曰。函。亦舍也。銅池。承露也。香。銅為之。函。讀與舍同。九真獻奇獸。蘇林曰。白象也。香灼曰。漢注。駒形。鱗色。牛。角。仁而愛人。師古曰。非。白象也。香。說。是矣。南郡獲白虎。

威鳳為寶。服虔曰。威鳳。鳥名也。香灼曰。鳳之有威儀者也。師古曰。蘇。說。是也。獲。珍物。而心感動也。飭躬齋精。祈為百姓。東濟大河。天

氣清靜。神魚舞河。幸萬歲宮。神爵翔集。香灼曰。黃圖。汾陰有萬歲宮。是時幸河東。朕之不德。懼不能任。其以五年為神爵元年。賜天下勤事吏爵二級。民一級。

隆接祥瑞一見賜赦一行此祥瑞所以愈多而賜赦因之愈密也

女子百戶牛酒。鰥寡孤獨高年帛。所賑貨物勿收。行所過毋出田

租。西羌反。發三輔中都官徒弛刑。李奇曰。弛。廢也。謂若今徒解。鉗。衣。置。任。輸。作。也。師古曰。中都官。京師諸官府也。及應募飲飛射士。服虔曰。周。時。度。江。越。

漢。注。長。安。中。諸。官。獄。三。十。六。所。弛。刑。李。說。是。也。若。今。徒。囚。但。不。枷。鎖。而。責。保。散。從。之。耳。弛。音。式。爾。反。及應募飲飛射士。服虔曰。周。時。度。江。越。

人在。船。下。負。船。將。覆。之。飲。飛。入。水。殺。之。漢。因。以。材。力。名。官。如。淳。曰。呂。氏。春。秋。刑。有。茲。非。得。實。劍。於。干。將。度。江。中。流。兩。蛟。繞。舟。茲。非。拔。寶。劍。赴。江。刺。兩。蛟。殺。之。荆。王。聞。之。任。以。執。圭。後。世。以。為。勇。力。之。官。茲。飲。音。相。近。臣。瓊。曰。本。秦。左。弋。官。也。武。帝。改。曰。飲。飛。官。有。一。令。九。丞。在。上。林。苑。中。結。增。繳。弋。飛。馬。讓。萬。頭。以。供。祀。宗。廟。許。慎。曰。飲。便。利。也。便。利。增。繳。以。弋。飛。馬。故。曰。飲。飛。詩。曰。扶。拍。既。飲。者。也。師。古。曰。取。古。勇。力。人。以。名。官。熊。渠。之。類。是。也。亦。因。取。其。便。利。輕。疾。若。飛。故。號。飲。飛。弋。鳥。鷹。事。自。使。飲。飛。為。之。非。取。飛。鳥。為。名。瓊。說。失。之。飲。音。次。羽

林孤兒。應劭曰。天有羽林大將軍之星。林。喻。若。林。木。之。盛。羽。羽。翼。驚。擊。之。意。故。以。名。武。官。焉。如。淳。曰。百。官。表。取。從。軍。死。事。者。之。子。養。羽。林。官。教。以。五。兵。號。曰。羽。林。孤。兒。

少壯令從軍。漢。注。羽。林。從。官。七。百。人。胡越騎三河潁川沛郡淮陽汝南材官。金城隴西

天水安定北地上郡騎士羌騎詣金城。夏四月。遣後將軍趙充國。

疆弩將軍許延壽擊西羌。六月。有星孛于東方。即拜酒泉太守辛

武賢為破羌將軍。與兩將軍竝進。師古曰。兩將軍。即。趙。充。國。許。延。壽。詔曰。軍旅暴露。轉

輸煩勞。其令諸侯王列侯蠻夷王侯君長當朝二年者。皆毋朝。

秋。賜故大司農朱邑子黃金百斤。以奉祭祀。後將軍充國

日。朝。來。年。之。正。月。秋。賜故大司農朱邑子黃金百斤。以奉祭祀。後將軍充國

言屯田之計。語在充國傳。

二年春二月。詔曰。廼者正月乙丑。鳳皇甘露降集京師。羣鳥從以

萬數。朕之不德。屢獲天福。祇事不怠。其赦天下。夏五月。羌虜降服。

斬其首惡大豪楊玉。酋非首。文穎曰。羌胡名。大帥為酋。如中國言魁。非首其名也。如淳曰。酋音酒。醕熟。師古曰。文說失矣。酋者自

是魁帥之稱。而此酋不當其義也。蓋者惡者。唱首為魁也。大豪者魁帥也。楊玉及酋非。皆人名。言斬此二人之首級耳。既已言大豪。不當重言酋。且趙充國傳又云。酋非楊玉首。此其明驗也。酋音才由反。

置金城屬國。以處降羌。秋。匈奴日逐王先賢揮。鄭氏曰。揮音

灼曰。音田。師古曰。鄭音是也。將人眾萬餘來降。使都護西域騎都尉鄭吉迎日逐破

車師。皆封列侯。九月。司隸校尉蓋寬饒有罪。下有司自殺。匈奴單

于遣名王奉獻。師古曰。名王者謂有賀正月。始和親。師古曰。賀來

三年春。起樂游苑。師古曰。三輔黃圖云。在杜陵西北。又關中記云。宣帝立廟於曲池

焉。蓋本為苑。後因立三月丙午。丞相相薨。秋八月。詔曰。吏不廉平

則治道衰。今小吏皆勤事而奉祿薄。師古曰。奉音扶用反。欲其母侵漁百姓。難

矣。晉灼曰。許慎云。捕魚之字也。師古曰。漁者若首。漁也。其益吏百石以下奉十五。如淳曰。律百石奉。月

劉放曰。據百官表注。當云律百石奉月十六斛。

解。則益五斗。

四年春二月。詔曰。廼者鳳皇甘露降集京師。嘉瑞並見。修興泰一

五帝后土之祠。祈為百姓蒙祉福。師古曰。為音于偽反。鸞鳳萬舉。蜚覽翺翔。集

止于房。師古曰。萬舉。猶言舉以萬數也。蜚古飛字也。言鸞鳳飛翔。覽。觀都邑也。齋戒之暮。神光顯著。薦鬯之夕。

神光交錯。師古曰。地香酒。所以祭神。或降于天。或登于地。或從四方來集于壇。上

帝嘉嚮。海內承福。師古曰。嚮讀曰養。其赦天下。賜民爵一級。女子百戶牛酒。

鰥寡孤獨高年帛。夏四月。潁川太守黃霸以治行尤異。秩中二千

石。師古曰。霸舊已二千石矣。今增為中二千石。以寵異之。此與地節三年增膠東相王成秩。其事同耳。漢制秩二千石者。一歲得一千四百四十石。實不滿二千石也。其云中二千石者。一歲得二千一百六十石。賜爵關內侯。黃金百斤。及潁川吏民

有行義者。爵人二級。力田一級。貞婦順女帛。令內郡國舉賢良可

親民者各一人。五月。匈奴單于遣弟呼留若王勝之來朝。師古曰。呼留若者王

之體也。勝之其人各冬十月。鳳皇十二集杜陵。十一月。河南太守嚴延年有罪

奔市。十二月。鳳皇集上林。

丘濬曰鳳皇之名載在經籍世莫有識其狀者乃先帝即位至此凡五見矣抑何多哉其所謂鳳者果真鳳乎

劉攽曰行禮下多樂字陳仁子曰宣帝待吏之苛而下民獨不苛以知治要者然勿行苛政之詔止因嫁娶酒食小節而發又不條具其大者其事亦未盡善也

五鳳元年。應劭曰鳳皇五至因以改元云。春正月。行幸甘泉。郊泰畤。皇太子冠。皇太后賜丞相將軍列侯中二千石帛人百匹。大夫人八十匹。夫人六十匹。又賜列侯嗣子爵五大夫。男子為父後者爵一級。夏赦徒作杜陵者。冬十二月乙酉朔。日有蝕之。左馮翊韓延壽有罪奔市。二年春三月。行幸雍祠五畤。夏四月己丑。大司馬車騎將軍增薨。師古曰、韓增。秋八月。詔曰。夫婚姻之禮。人倫之大者也。酒食之會。所以行禮樂也。今郡國二千石或擅為苛禁。禁民嫁娶。不得具酒食相賀。召由是廢鄉黨之禮。令民亡所樂。非所以導民也。詩不云乎。民之失德。乾餱以愆。師古曰、小雅伐木之詩也。餱食也。愆過也。言人無恩德。不相飲食。則闕乾餱之事。為過惡也。乾音干。餱音侯。勿行苛政。冬十一月。匈奴呼遼累單于帥眾來降。師古曰、遼古遼字。累音力。遼反。封為列侯。十二月。平通侯楊惲。師古曰、惲音於。吻反。坐前為光祿勳有罪。免為庶人。不悔過。怨望大逆不道。要斬。三年春正月癸卯。丞相吉薨。師古曰、丙吉也。二月。行幸河東祠后土。詔曰。

往者匈奴數為邊寇。百姓被其害。朕承至尊。未能綏安。匈奴虛閭。權渠單于請求和親。病死。右賢王屠耆堂代立。骨肉大臣立虛閭。權渠單于子。為呼韓邪單于。擊殺屠耆堂。諸王竝自立。分為五單于。更相攻擊。死者以萬數。畜產大耗。什八九。人民饑餓。相燔燒。以求食。因大乖亂。單于闕氏。服虔曰、闕氏音焉支。子孫昆弟。及呼遼累單于名王。右伊秩訾。且渠當戶以下。師古曰、伊秩訾且渠當戶皆匈奴官號也。訾音子。移反。且音子。余反。將眾五萬餘人。來降歸義。單于稱臣。使弟奉珍朝賀。正月。北邊晏然。靡有兵革之事。朕飭躬齋戒。郊上帝祠后土。神光竝見。或興于谷。燭耀齊宮。十有餘刻。師古曰、燭亦照也。刻者以燭言時也。甘露降。神爵集。已詔有司。告祠上帝宗廟。三月辛丑。鸞鳳又集長樂宮東闕中樹上。張晏曰、門外闕內。鸞馬之葉樹也。飛下止地。文章五色。留十餘刻。吏民竝觀。朕之不敏。懼不能任。婁蒙嘉瑞。獲茲祉福。師古曰、婁古婁字。書不云乎。雖休勿休。祗事不怠。師古曰、周書呂刑之辭。言雖見後。美勿自以為有德。公卿大夫其勗焉。減天下口錢。赦殊死以下。賜民爵一。

美書敬於事無忘情也

公卿大夫其勗焉

級。女子百戶牛酒。大酺五日。加賜鰥寡孤獨高年帛。置西河北地屬國。以處匈奴降者。

四年春正月。廣陵王胥有罪自殺。匈奴單于稱臣。遣弟谷蠡王入侍。服虔曰。谷音鹿。師古曰。蠡音洛。案反。以邊塞亡寇。減戍卒什二。大司農中丞耿壽昌

奏設常平倉。以給北邊。應劭曰。壽昌奏令邊郡穀賤時。增價而糴。穀貴時。減價而糶。名曰常平倉。見食貨志。省轉漕。賜

爵關內侯。夏四月辛卯晦。日有蝕之。詔曰。皇天見異。以戒朕躬。是朕之不逮。吏之不稱也。以前使使者問民所疾苦。復遣丞相御史掾二十四人。循行天下。舉冤獄。察擅為苛禁。深刻不改者。

甘露元年春正月。行幸甘泉。郊泰畤。匈奴呼韓邪單于遣子右賢王銖婁渠堂入侍。師古曰。銖音殊。婁音力于反。二月丁巳。大司馬車騎將軍延壽

薨。文穎曰。許延壽。夏四月。黃龍見新豐。丙申。太上皇廟火。甲辰。孝文廟火。上素服五日。冬。匈奴單于遣弟左賢王來朝賀。

二年春正月。立皇子器為定陶王。師古曰。器音救。詔曰。邇者鳳皇甘露降

集。黃龍登興。醴泉滂流。枯槁榮茂。師古曰。枯音口。槁音反。神光竝見。感受禎祥。其

赦天下。減民算三十。師古曰。一算減錢三十也。賜諸侯王丞相將軍列侯中二千石金錢。各有差。賜民爵一級。女子百戶牛酒。鰥寡孤獨高年帛。夏

四月。遣護軍都尉祿將兵擊珠崖。秋九月。立皇子宇為東平王。冬十二月。行幸黃陽宮。應劭曰。宮在鄠。秦文王所起。伏儼曰。在扶風。李斐曰。黃音倍。師古曰。應說李音是也。屬玉觀。服虔曰。以玉飾。

願奉國珍朝。二年正月。師古曰。欲於甘露三年正月行朝禮。詔有司議。咸曰。聖王之制。施德行禮。先京師而後諸夏。先諸夏而後夷狄。詩云。率禮不

越。遂視既發。相土烈烈。海外有戲。文穎曰。遂。循也。發行也。言契能使其民率禮。不越法度。循承視其教令。率順而行也。陛下聖德。充塞天地。光被

四表。師古曰。四表。四方之外也。匈奴單于。鄉風慕義。舉國同心。奉珍朝賀。自古未

之有也。單于非正朔所加。王者所客也。禮儀宜如諸侯王。稱臣昧死再拜。位次諸侯王下。詔曰。蓋聞五帝三王禮所不施。不及以政。

胡續宗曰。匈奴之可也。單于來朝。以品敘次之。可也。而欲以客

胡續宗曰。匈奴之可也。單于來朝。以品敘次之。可也。而欲以客

禮待之如周家  
所以待前代之  
後則遇矣  
隆接以客禮待  
之本望之謙詳  
具匈奴傳

隆接單于來朝  
自是盛事而上  
登長平阪單于  
左右皆列觀而  
稱萬歲尤為稀  
古奇觀班史亦  
形容得出

隆接匈奴遂定  
一句結得斬截

今匈奴單于稱北藩臣朝正月朕之不逮德不能弘覆其以客禮待之位

三年春正月行幸甘泉郊泰畤匈奴呼韓邪單于稽侯緡來朝應劭

衣裳安車駟馬黃金錦繡繒絮使有司道單于先行師古曰道讓曰導導引也就

邱長安宿長平上自甘泉宿池陽宮上登長平阪如淳曰阪名也在池陽南上原之阪有長

平觀去長安五十里師古曰涇水之南原即今所謂畦城阪也

詔單于毋謁師古曰不拜見也其左右當戶之羣皆

列觀孟康曰左右當戶匈奴官名蠻夷君長王侯迎者數萬人夾道陳上登渭橋

咸稱萬歲單于就邱置酒建章宮饗賜單于觀以珍寶師古曰觀示也二

月單于罷歸遣長樂衛尉高昌侯忠晉灼曰功臣表重忠車騎都尉昌晉灼曰韓昌騎

都尉虎文穎曰不知姓晉灼曰百官表唯記三輔郡以上若此皆不見姓無從知之將萬六千騎送單于單于居

幕南保光祿城孟康曰前光祿徐自為所築城詔北邊振穀食郵支單于遠遁師古曰郵音質

匈奴遂定詔曰廼者鳳皇集新蔡羣鳥四面行列皆鄉鳳皇立以

隆接匈奴遂定  
一句結得斬截

萬數師古曰行音胡郎反其賜汝南太守帛百匹新蔡長吏三老孝弟力田鰥

寡孤獨各有差賜民爵二級母出今年租三月己丑丞相霸薨文穎曰黃

詔諸儒講五經同異太子太傅蕭望之等平奏其議上親稱

制臨決焉廼立梁丘易大小夏侯尚書穀梁春秋博士冬烏孫公

主來歸應劭曰楚王女解憂

四年夏廣川王海陽有罪廢遷房陵冬十月丁卯未央宮宣室閣

火

黃龍元年應劭曰先是黃龍見新豐因以冠元焉師古曰漢注云此年二月黃龍見廣漢郡故改年然則應說非也見新豐者於此五載矣春正月

行幸甘泉郊泰畤匈奴呼韓邪單于來朝禮賜如初二月單于歸

國詔曰蓋聞上古之治君臣同心舉措曲直各得其所是以上下

和洽海內康平其德弗可及已朕既不明數申詔公卿大夫務行

寬大順民所疾苦將欲配三王之隆明先帝之德也今吏或以不

禁姦邪為寬大縱釋有罪為不苛或以酷惡為賢皆失其中奉詔

真德秀曰舊說以為宣帝平時尙嚴至黃龍初熟知治體始務行寬大今玩其

辭意正謂吏不  
禁奸邪縱釋有  
罪為非而欲察  
計簿之欺設非  
實者乃是欲加  
罪耳非真務行  
寬大也  
茅坤曰此詔即  
綜覈名實之大  
端

隆接宣帝綜核  
名實察見淵魚  
以故趙蓋韓揚  
咸不得其死矣  
劉之元氣索矣  
于時則地震山  
崩日食星孛而  
又宗廟墮太上  
皇廟孝文廟未  
央宮火帝亦可  
以省恤矣而方  
且矯飾以誇衆  
不曰風風則曰  
甘露不曰神爵  
則曰金芝不曰  
玄稷則曰黃龍  
乃又幸甘泉郊

泰時告宗廟薦  
上帝今年改元  
明年易號賜爵  
賜封賜金賜帛  
率無虛歲綜核  
名實者願若是  
乎史稱帝中興  
侔德殷宗周宣  
讓者曰帝蓋基  
禍之主非所以  
語中興也

宣化如此豈不繆哉方今天下少事繇役省減兵革不動庶民多  
貧盜賊不止其咎安在上計簿具文而已師古曰雖有其文而實不副也繇音步戶反務為

欺謾以避其課師古曰設誑言也音慢三公不以為意朕將何任師古曰言無所委任諸請

詔省卒徒自給者皆止應劭曰時有請云詔使出者省卒徒以其直自給不復取

以川度不足宜有以益官者或奉使求不受奉祿自省其徒衆以取其粟者或自給於是

復聽也師古曰應張二說是也御史察計簿疑非實者按之使真偽毋

相亂三月有星孛于王良閣道入紫宮蘇林曰皆星名夏四月詔曰舉廉

吏誠欲得其真也吏六百石位大夫有罪先請秩祿上通足以效

其賢材自今以來毋得舉韋昭曰吏六百石者不得復舉為廉吏也冬十二月甲戌帝崩于

未央宮臣瓚曰帝年十八即位即位二十五年壽四十三癸巳尊皇太后曰太皇太后師古曰於此已尊

太皇太后而元紀之首又重尊之然尊太皇太后及皇太后宜同一時則元紀為是而此紀誤重之

贊曰孝宣之治信賞必罰綜核名實政事文學法理之士咸精其

能至于技巧工匠器械自元成間鮮能及之亦足以知吏稱其職

民安其業也遭值匈奴乖亂推亡固存信威北夷單于慕義稽首

稱藩功光祖宗業垂後嗣可謂中興侔德殷宗周宣矣

漢書評林卷之八終

漢書評林卷之九

明 吳興 凌 稚隆輯校

東京 菊池 純校閱

日本

美濃 杉山 令訓點

元帝紀第九

孝元皇帝。

荀悅曰，諱爽之字曰盛，應劭曰，諱法，行維悅，民曰元，師古曰，爽音式亦反。

宣帝太子也。母曰共哀許

皇后。

張晏曰，禮，婦人從夫諱，閔其見。殺，故兼諱。師古曰，共讀曰恭。

宣帝微時生民間。年二歲宣帝卽位。

八歲立爲太子。

師古曰，宣帝卽位之明年，改元曰本始。本始凡四年，而改元曰地節。地節三年立皇太子。若卽位年二歲，則立爲太子時年九歲矣。又

宣帝以元平元年七月卽位，而外戚傳云，時后生元帝，數月宣帝立。爲帝，是則卽位時太子未必二歲也。參按前後兼文，此紀進退爲錯。 壯大柔仁好儒。

見宣帝所用多文法吏以刑名繩下。

師古曰，劉向別錄云，申子學號刑名，刑名者以名責實，尊君卑臣，崇上抑下，宣

帝好觀其君臣篇。

大臣楊惲蓋寬饒等坐刺譏辭語爲罪而誅。

師古曰，惲音於吻反。

嘗侍燕從容言。陛下持刑太深。宜用儒生。宣帝作色曰。漢

家自有制度。本以霸王道雜之。奈何純任德教。用周政乎。且俗儒

劉放曰此言二歲宣帝卽位指除年改元爲卽位耳若春秋諸公也

隆接先太子太子柔仁一段起下文疏太子案又按柔仁好儒一句概帝之生平

吳京曰曰大臣則刑不上大夫曰坐刺譏詞語則罪非殺無赦



此春秋書法也  
張氏曰漢家合  
于王道者如約  
法三章為義帝  
發要亦未免  
有假之之意其  
誠小乎則其難  
伯固有自來  
隆接俱從微起  
應前微字

不達時宜。好是古非今。使人眩於名實。師古曰：眩，亂視也。音胡。明反。不知所守。何足委任。廼歎曰：亂我家者，太子也。繇是疏太子而愛淮陽王。師古曰：繇，讀與同。曰：淮陽王明察好法，宜為吾子。而王母張婕妤尤幸。上有意欲用淮陽王代太子。然以少依許氏，俱從微起。故終不肯焉。黃龍元年十二月，宣帝崩。癸巳，太子即皇帝位。謁高廟，尊皇太后。曰：太皇太后。蘇林曰：皇后曰皇太后。文穎曰：即成王皇太后。上官后，母發元帝者也。初元元年春正月辛丑，孝宣皇帝葬杜陵。臣瓚曰：自崩至葬，凡二十八日。杜陵在長安南五十里也。賜諸侯王公主列侯黃金，吏二千石以下錢帛，各有差。大赦天下。三月，封皇太后兄侍中中郎將王舜為安平侯。丙午，立皇后王氏。以三輔太常郡國公田及苑可省者，振業貧民。師古曰：振，起也。之，令有作業。賞不滿千錢者，賦貸種食。師古曰：賦，給與之也。貸，假也。貸音土。稅反。種音之。勇反。封外祖父平恩戴侯同產弟子中常侍許嘉為平恩侯。戴侯後，文穎曰：戴侯許廣漢。夏四月，詔曰：朕承先帝之聖緒，獲奉宗廟，戰戰兢兢，間者地數動而未靜，懼於天地之

王整曰：此即先王春省耕之法

戒。不知所繇。師古曰：繇，與由同。方田作時，朕憂蒸庶之失業。師古曰：蒸，衆也。臨遣光祿大夫襄等十二人循行天下。應劭曰：自臨面約，故乃遣之。師古曰：行，音下。更反。存問耆老鰥寡，孤獨困乏失職之民。師古曰：失，職。失其常業。延登賢俊，招顯側陋，因覽風俗之化，相守二千石，誠能正躬勞力。師古曰：相者，諸侯王相也。守，郡守也。宣明教化，以親萬姓。則六合之內和親，庶幾寧無憂矣。書不云乎：股肱良哉，庶事康哉。師古曰：成，書益稷之辭也。言君能任賢，股肱之臣皆得良善，則衆事安寧。布告天下，使明知朕意。又曰：關東今年穀不登，民多困乏。其令郡國被災害甚者，毋出租賦。江海陂湖園池屬少府者，以假貧民。師古曰：湖，深水。勿租賦。賜宗室有屬籍者馬一匹，至一駒。師古曰：駒，八匹。三老孝者帛五匹，弟者力田。三匹。鰥寡孤獨，二匹。吏民五十戶牛酒。師古曰：以五十戶為率，共賜之。六月，以民疾疫，令大官損膳。減樂府員，省苑馬。以振困乏。秋八月，上郡屬國降胡萬餘人，亡入匈奴。九月，關東郡國十一大水，飢。或人相食。轉旁郡錢穀以相救。詔曰：間者陰陽不調，黎民飢寒，無以保治。師古曰：保，安也。惟德淺薄，不足

陳仁子曰：元帝天資本善，必循本正。其咎在不辨忠邪，而不在違守。恭儉恭順之邪，而不能去。望之更生之恩，而不能保。故雖滿宮室去珍奇

僅不至于亡而已終不足以致太平之治  
劉德秀曰元帝詔令為民而下者甚衆然恭顯用事朝無政豈能使民實被上澤

陳仁子曰元帝嘗無別之見人皆指恭顯用事而恭顯反指大臣用事正人指邪人為邪人又指正人為邪恭顯不罷而定國廣德則罷恭顯不救而望之張益則自殺則雖救天下之災愈不可弭也

以充入舊貫之居。師古曰論語稱閔子騫云仍舊貫帝自謙言不足充入先帝之宮室故引以為言也其令諸宮館希

御幸者勿繕治。師古曰繕補也太僕減穀食馬。水衡省肉食獸。師古曰減損損其數省者全去之

二年春正月行幸甘泉郊泰畤賜雲陽民爵一級女子百戶牛酒

立弟竟為清河王三月立廣陵厲王太子霸為王詔罷黃門乘輿

狗馬。師古曰黃門近署也故觀幸之物屬焉水衡禁園宜春下苑。師古曰宜春下苑即今京城東南隅曲江池是少府

飲飛外池。如淳曰漢儀注飲飛具殭鐵以射鹿馬給祭祀是故有池也嚴籞池田。晉灼曰嚴籞射苑也假與貧民詔

日蓋聞賢聖在位陰陽和風雨時日月光星辰靜黎庶康寧考終

厥命。師古曰考老也言得壽考終其天命今朕恭承天地託于公侯之上明不能燭德不

能綏災異竝臻連年不息乃二月戊午地震于隴西郡毀落大上

皇廟殿壁木飾壞敗獮道縣城郭官寺及民室屋壓殺人衆。師古曰獮道屬天水凡府庭所在山崩地裂水泉涌出天惟降災震驚朕師。師古曰治皆謂之寺獮音完

有大虧咎至於斯夙夜兢兢不通大變深惟鬱悼未知其序。師古曰序次也間者歲數不登元元困乏不勝飢寒以陷刑辟朕甚閱之郡

國被地動災甚者無出租賦赦天下有可蠲除減省以便萬姓者條奏毋有所諱丞相御史中二千石舉茂材異等直言極諫之士朕將親覽焉夏四月丁巳立皇太子賜御史大夫爵關內侯中二千石右庶長。師古曰第十一爵天下當為父後者爵一級列侯錢各二十萬五大夫十萬。師古曰五大夫第九爵六月關東飢齊地人相食秋七月詔曰歲比災害民有菜色慘怛於心。師古曰慘怛也怛悼也已詔吏虛倉廩開府庫振救賜寒者衣今秋禾麥頗傷一年中地再動北海水溢流殺人民陰陽不和其咎安在公卿將何以憂之其悉意陳朕過靡有所諱冬詔曰國之將興尊師而重傅故前將軍望之傅朕八年道以經書厥功茂焉。師古曰道讀曰導其賜爵關內侯食邑八百戶朝朔望十二月

中書令弘恭石顯等譖望之令自殺

三年春令諸侯相位在郡守下。師古曰此諸侯謂諸侯王也珠厓郡山南縣反博謀

羣臣待詔賈捐之以為宜棄珠厓救民饑饉乃罷珠厓夏四月乙

李德裕曰桀紂殺一龍達比干而天下之惡歸焉桀紂以拒諫自移其咎已甚元帝以信讒而殺抑又甚焉王業既衰至成哀廢替繼三世而王莽篡奪宣帝稱亂吾家者太子也信哉

隆按恭顯謂殺望之詳具本傳珠厓詳具本傳

隆按此語用令  
者兼與上兩詔  
未肯極旨相  
應

未晦。茂陵白鶴館災。詔曰：廼者火災降於孝武園館，朕戰栗恐懼，不燭變異，咎在朕躬。師古曰：燭，照也。羣司又未肯極言朕過，以至於斯。將何以寤焉？百姓仍遭凶阨，無以相振，加以煩擾，苛吏拘牽，肆微文，不得永終性命，朕甚閔焉。其赦天下。夏旱，立長沙煬王弟宗為王。鄭氏曰：煬，音供養之養。封故海昏侯賀子代宗為侯。六月，詔曰：蓋聞安民之道，本繇陰陽，間者陰陽錯謬，風雨不時，朕之不德，庶幾羣公有敢言朕之過者，今則不然，媿合苟從，未肯極言。師古曰：媿，與倫同。朕甚閔焉。永惟丞庶之飢寒，遠離父母妻子，勞於非業之作，衛於不居之宮。師古曰：衛，上故云非業也。恐非所以佐陰陽之道也。其罷甘泉建章宮衛，令就農。百官各省費，條奏母有所諱，有司勉之，毋犯四時之禁。丞相御史舉天下明陰陽災異者各二人，於是言事者衆，或進擢召見，人人自以得上意。

四年春正月，行幸甘泉。郊泰畤。三月，行幸河東，祠后土，赦汾陰徒。

賜民爵一級，女子百戶牛酒。鰥寡高年帛，行所過無出租賦。

五年春正月，以周子南君為周承休侯。文穎曰：姓姬，名延年，其祖父姬嘉，本周後，武帝元鼎四年封為周子南君。

位次諸侯王。三月，行幸雍，祠五畤。夏四月，有星孛于參。詔曰：朕之不逮，序位不明。師古曰：逮及也。首官人之位，失其次序。衆僚久慮，師古曰：慮古也。

未得其人，元元失望。上感皇天，陰陽為變，咎流萬民，朕甚懼之。廼

者關東連遭災害，飢寒疾疫，天不終命，詩不云乎？凡民有喪，匍匐

救之。師古曰：匍，古風之詩也。首見三人有與兩之事，則當盡力以救之。其令大官母日殺，所具各減半。師古曰：食

具乘輿秣馬無乏，正事而已。師古曰：秣，養也。以粟秣食之也。正事，謂祭祀也。郊祀苑狩之事，非游田者也。罷角抵上

林宮館希御幸者，齊三服官。李斐曰：齊國舊有三服之官，春獻冠幘，纁為首服。秋獻絺，葛為中服。冬獻絺，紵為衣。凡三。師古曰：齊三服官，統素為冬服，輕絺為夏服。北假田官。晉灼曰：匈奴傳，秦始皇渡河，據陽山北假中，王莽傳，五原北假，膏壤

假地也。統素今之絹也。輕絺今之輕絮也。

籍者馬一匹，至二駒。三老孝者帛，人五匹。弟者力田三匹，鰥寡孤

獨二匹。吏民五十戶牛酒，省刑罰七十餘事。除光祿大夫以下至

不知千門萬戶

欲之為過也，知廟在郡國月，衣冠之為非而不知千門萬戶

元帝

漢書卷九十一

元帝

之宮神明通天  
之靈離宮別館  
百有餘區之為  
非也宮室安享  
非禮則置而不  
議宗廟祭祀非  
禮則闕而毀之  
漢之祖宗神靈  
若存能不發怒  
于子孫乎元帝  
疫疾而夢祖宗  
譴責也以此  
隆按谷吉事附  
載陳湯傳中

陳仁子曰接詔  
書云壬人在位  
吉士壘蔽不知  
壬人指誰邪謂  
恭顯邪謂堪邪  
邪謂恭顯則不  
可除謂堪則  
不待除觀京房  
之對曰上所最  
信任與圖任唯  
輻之中者是矣  
而帝再三托以

郎中保父母同產之令。應劭曰：舊時相保一人有過，皆當坐之。師古曰：特為令，郎中以上，除此令者，所以優之也。同產謂兄弟也。

從官給事宮司馬門者得為大父母父母兄弟通籍。師古曰：從官親近天子，常侍從者，皆

是也。宮司馬門者宮之外門也。衛尉有八屯衛候，司馬主三屯，冬十一月丁未，御史大

夫貢禹卒。衛司馬谷吉使匈奴不還。師古曰：即衛尉。八屯之衛司馬。

永光元年春正月，行幸甘泉，郊泰畤，赦雲陽徒，賜民爵一級。女子

百戶牛酒。高年帛。行所過，母出租賦。二月，詔丞相御史舉質樸敦

厚，遜讓有行者，光祿歲以此科第郎從官。師古曰：始令丞相御史舉此四科人，以擢用之，而見在郎及從

官，又令光祿每歲依此科考校。三月，詔曰：五帝三王任賢使能，以登至平

而今不治者，豈斯民異哉？咎在朕之不明，亡以知賢也。是故壬人

在位。服虔曰：壬，人佞人也。而吉士雍蔽。師古曰：吉，善也。大雅：卷阿之詩。曰：藹藹王多吉士。雍，讀曰塞。重以周秦之弊

民漸薄俗。師古曰：為薄俗之所漸。樂也。重音直用反。去禮義，觸刑法，豈不哀哉！繇此觀之，元

元何辜，其赦天下，令厲精自新，各務農畝，無田者皆假之，貸種食

如貧民。師古曰：此皆謂遇赦新免罪者也。故云如貧民。賜吏六百石以上爵五大夫，勤事吏二

級。為父後者民一級。女子百戶牛酒。鰥寡孤獨高年帛。是月雨雪

隕霜傷麥稼，秋罷。如淳曰：當言罷某官某事，爛脫失之。晉灼曰：或無稼字，或稼字在秋下。稼，或作桑，或作霖，五行志：永光元年三月，隕霜殺桑，九月二

二年春二月，詔曰：蓋聞唐虞象刑而民不犯。師古曰：象刑，解在武紀。殷周法行

而姦軌服。師古曰：軌與究同，亂在外，曰姦，在內，曰軌。今朕獲承高祖之洪業，託位公侯之上

夙夜戰栗，永惟百姓之急，未嘗有忘焉。然而陰陽未調，三光晦昧

元元大困，流散道路，盜賊並興，有司又長殘賊，失牧民之

術。是皆朕之不明，政有所虧，咎至於此。朕甚自耻，為民父母，若是

之薄，謂百姓何？師古曰：言何，以撫臨百姓。其大赦天下，賜民爵一級。女子百戶牛

酒。鰥寡孤獨高年三老孝弟力田帛。又賜諸侯王公主列侯黃金

中二千石以下，至中都官長吏，各有差。吏六百石以上，爵五大夫

勤事吏各二級。三月壬戌朔，日有蝕之。詔曰：朕戰戰栗栗，夙夜思

過失，不敢荒寧。師古曰：荒，廢也。不取廢事而自寧。惟陰陽不調，未燭其咎。婁敕公卿，日

未論既論亦不  
能罷是知之者  
反不若不知之  
為愈也

望有效。師古曰：望，古履字。至今有司執政，未得其中。施與禁切，未合民心。師古曰：施，惠也。褊，薄也。暴，猛也。彌，長也。睦，道也。日衰，百姓愁苦。靡，所錯躬也。是

以氛邪歲增，侵犯太陽。師古曰：氛，惡氣也。邪，者。言非正氣也。太陽，日也。正氣湛掩，日久奪光。師古曰：湛，者見掩而湛沒。迺壬戌，日有蝕之。天見大異，以戒朕躬。朕甚悼焉。其

令內郡國舉茂材異等，賢良直言之士各一人。夏六月，詔曰：間者連年不收，四方咸困。元元之民，勞於耕耘，又亡成功，困於饑饉。亡

以相救，朕為民父母，德不能覆，而有其刑，甚自傷焉。其赦天下。秋七月，西羌反，遣右將軍馮奉世擊之。八月，以太常任千秋為奮威

將軍，別將五校並進。師古曰：別，領五校之兵，而與右將軍並進。三年春，西羌平，軍罷。二月，立皇子康為濟陽王。夏四月，癸未，大司

馬車騎將軍接薨。師古曰：王接。冬十一月，詔曰：迺者己丑，地動。中冬兩水大霧。師古曰：中，讀曰仲。盜賊並起，吏何不以時禁，各悉意對冬。復鹽鐵官

博士弟子員，以用度不足，民多復除，無以給中外繇役。

隆按上失其違，四句與前詔德不能覆四句意同。茅坤曰：漢時亦貸貧民勿收責，此即周禮服息。

四年春二月，詔曰：朕承至尊之重，不能燭理，百姓婁遭凶咎，加以

邊竟不安，師旅在外。師古曰：竟，讀曰境。賦歛轉輸，元元騷動，窮困亡聊，犯法

抵罪，夫上失其道，而繩下以深刑，朕甚痛之。其赦天下，所貸貧民

勿收責。三月，行幸雍，祠五畤。夏六月，甲戌，孝宣園東闕災。戊寅晦，

日有蝕之。詔曰：蓋聞明王在上，忠賢布職，則羣生和樂，方外蒙澤。

今朕晦于王道，夙夜憂勞，不通其理，靡瞻不眩，靡聽不惑。師古曰：眩，視亂也。音

胡明，是以政令多還，民心未得。李奇曰：還，反也。邪說空進，事亡成功。此天下

所著聞也。公卿大夫好惡不同，或緣姦作邪，侵削細民。元元安所

歸命哉。迺六月晦，日有蝕之。詩不云乎：今此下民亦孔之哀。師古曰：小雅十

月之交之詩也。孔，甚也。言災異既多，百姓甚可哀愍。

自今以來，公卿大夫其勉思天戒，慎身修永，以

輔朕之不逮。師古曰：虞書各條，修其身，思永，言當慎。直言盡意，無有所

諱。九月，戊子，罷衛思后園及戾園。服虔曰：戾，太子母也。冬十月，乙丑，罷祖宗廟

在郡國者，諸陵總屬三輔。師古曰：先是諸陵總屬三輔，常今各依其地界屬三輔。以渭城壽陵亭部

隆按此紀中凡書宗廟罷廢之類，其詳附章玄成傳中。

原上為初陵。

服虔曰元帝所置陵。未有名也。故曰初。

詔曰安土重遷。黎民之性。骨肉相附。

人情所願也。頃者有司緣臣子之義。奏徙郡國民。以奉園陵。令百

姓遠棄先祖墳墓。破業失產。親戚別離。人懷思慕之心。家有不

安之意。是以東垂被虛耗之害。關中有無聊之民。非久長之策也。詩

不云乎。民亦勞止。迄可小康。惠此中國。以綏四方。

師古曰。大雅民勞之詩也。止。語助也。迄。至也。

也。康安也。言人勞已久。至此可以。今所為初陵者。勿置縣邑。使天下咸安。

土樂業。亡有動搖之心。布告天下。令明知之。又罷先后父母奉邑。

應劭曰。先后為其父母。置邑守冢。以奉祭祀。既已久。遂又非典制。故罷。

五年春正月。行幸甘泉。郊泰畤。三月上幸河東。祠后土。秋。潁川水

出。流殺人民。吏從官縣被害者。與告。

臣瓚曰。告。休假也。師古曰。從官。即上侍從之官也。言凡為吏。為從官。其本縣有

被害者。皆與休告。士卒遣歸。冬。上幸長楊射熊館。

師古曰。射熊館。音食亦反。布車騎大獵。十二

月乙酉。毀太上皇孝惠皇帝寢廟園。

建昭元年春三月。上幸雍。祠五畤。秋八月。有白蛾羣飛蔽日。從東

王禕曰。宋庠紀年。通讀義取建。

立昭明之義

都門至枳道。

如淳曰。三輔黃圖。長安城東面北頭門。號曰宣平城門。其外郭曰東都門也。師古曰。枳。若今之蠶。蠶類也。音五何反。枳音只。枳道。解在。高紀。

冬。河間王元有罪。廢遷房陵。罷孝文太后孝昭太后寢園。

二年春正月。行幸甘泉。郊泰畤。三月。行幸河東。祠后土。益三河郡

太守秩。戶十二萬。為大郡。夏四月。赦天下。六月。立皇子興。為信都

王。閏月丁酉。太皇太后上官氏崩。冬十一月。齊楚地震。大雨雪。樹

折。屋壞。淮陽王舅張博。魏郡太守京房。坐窺道諸侯王。以邪意漏

泄省中語。博要斬。房棄市。

三年夏。令三輔都尉大郡都尉秩皆二千石。六月甲辰。丞相立成

薨。

師古曰。言延壽及湯。本充西域之使。故先

官使。而後序其官職及姓名。擣發戊己校尉屯田吏士及西域胡兵。攻鄯支單于。

擣發戊己校尉屯田吏士及西域胡兵。攻鄯支單于。冬。斬其首。傳詣京師。縣蠻夷邸門。

師古曰。縣。古懸字也。蠻夷邸。若今鴻臚客館。

陸倕張博事具淮陽王傳中

陸倕延壽湯擣制誅鄯支詳具本傳

劉子暉曰楚子以宋誠示文姜君子曰戎事不遇女器饋之也元帝以獲邪支圖上祀郊廟下以為婦之悅失禮甚矣其事雖微史臣詳著之

四年春正月以誅郅支單于告祠郊廟。赦天下羣臣上壽置酒。以其圖書。亦後宮貴人。服虔曰。討郅支之圖書也。夏四月。詔曰。朕承先帝之休烈。夙夜栗栗。懼不克任。間者陰陽不調。五行失序。百姓饑饉。惟丞庶之失業。臨遣諫大夫博士賞等二十一人。循行天下。存問耆老鰥寡。孤獨。乏困失職之人。舉茂材特立之士。相將九卿。其帥意毋怠。使朕獲觀教化之流焉。六月甲申。中山王竟薨。藍田地。沙石雍。霸水安陵岸崩。雍涇水。水逆流。孟康曰。安陵岸。惠帝陵旁。涇水岸也。師古曰。雍讀曰壅。五年春三月。詔曰。蓋聞明王之治國也。明好惡而定去就。崇敬讓而民興行。故法設而民不犯。令施而民從。今朕獲保宗廟。兢兢業業。匪敢解怠。師古曰。解讀曰懈。德薄明暗。教化淺微。師古曰。暗讀與暗同。傳不云。虜百姓有過。在予一人。其赦天下。賜民爵一級。女子百戶牛酒。三老孝弟力田帛。又曰。方春農桑興。百姓勦力自盡之時也。故是月勞農勸民。無使後時。師古曰。勞音來到反。今不良之吏。覆案小罪。師古曰。覆音方目反。徵召證案。興

不急之事。以妨百姓。使失一時之作。亡終歲之功。公卿其明察申

敕之。師古曰。申重也。一曰。約束之耳。夏六月庚申。復戾園。壬申晦。日有蝕之。秋七月

庚子。復太上皇寢廟園原廟。昭靈后。武哀王。昭哀后。衛思后。園。文

曰。高祖已自有廟在長安城中。惠帝更於渭北作廟。謂之原廟。師古曰。昭靈后。高祖母也。武哀王。高祖兄也。昭哀后。高祖姊也。衛思后。戾太子母也。

竟寧元年。師古曰。此詔云。邊垂長無兵革之事。竟者。終極之言。言永安寧也。春正月。匈奴虜韓邪單于來朝。

詔曰。匈奴郅支單于背叛禮義。既伏其辜。虜韓邪單于不忘恩德。

鄉慕禮義。復修朝賀之禮。願保塞傳之無窮。邊垂長無兵革之事。

其改元為竟寧。賜單于待詔掖庭王。櫛。為關氏。應劭曰。郡國獻女。未御見。須命於掖庭。故曰待詔。玉

櫛。王氏女。名櫛。字昭君。蘇林曰。關氏音馮支。如漢皇后也。師古曰。櫛音姊。皇太子冠。賜列侯。嗣子爵五大夫。師古曰。第九爵。

天下為父後者。爵一級。二月。御史大夫延壽卒。師古曰。即繁延壽也。三月。癸未。

復孝惠皇帝寢廟園。孝文太后。孝昭太后。寢園。夏。封騎都尉甘延

壽。為列侯。賜副校尉陳湯。爵關內侯。黃金百斤。五月壬辰。帝崩于

未央宮。臣瓚曰。帝年二十七即位。即位十六年。壽四十三。毀太上皇。孝惠。孝景。皇帝廟。罷孝文。孝

隆按。其陳功。雖久不決。至是。已封侯矣。壽即奪之。而追其既沒。始復其子。若孫。即此一節。費所謂優游不斷。

非耶詳具本傳

昭太后昭靈后武哀王昭哀后寢園秋七月丙戌葬渭陵。臣瓌曰渭陵在長安北五十

贊曰臣外祖兄弟為元帝侍中。應劭曰元成帝紀曾班固父彪所作臣則彪自說也外祖金敞也語臣曰

元帝多材藝善史書。應劭曰周宣王太史史籀所作大篆鼓琴瑟吹洞簫。如淳曰簫之無箎者自度曲

被歌聲。應劭曰自度度作新曲因持新曲以為歌詩聲也荀悅曰被聲能播樂也師古曰度音大各反被音皮義反分判節度。韋昭曰判切也

謂能分切句絕為之節制也判音干本反窮極幼眇。師古曰幼眇讀曰要眇少而好儒及即位徵用儒生

委之以政貢薛韋匡迭為宰相。師古曰貢禹薛廣德韋匡匡衡迭互而為丞相而上牽制文義

優游不斷孝宣之業衰焉然寬弘盡下出於恭儉號令溫雅有古

之風烈。

鄭樵曰元成二贊別紀所開不立褒貶獨得馬遷之宗  
隆按班掾于孝宣贊其技巧工匠于孝元贊其吹簫鼓瑟寓貶意于褒中深得史臣之體  
洪邁曰四相當優柔不剛之朝無所規救故班史特揭而書之雖不著有過而過自彰矣  
李德裕曰固言未盡其僻此蓋儒而不才權移所變非優游不

漢書評林卷之九終

漢書評林卷之十

明 吳興 凌稚隆輯校

東京 菊池 純校閱

日本 美濃 杉山 令訓點

成帝紀第十

孝成皇帝。荀悅曰諱鸞字太孫鸞之字曰俊應劭曰諱法安民立政曰成師古曰鸞音五到反元帝太子也母曰王皇

后元帝在太子宮生甲觀畫堂。應劭曰甲觀在太子宮甲地畫堂鸞九子母師古曰甲者甲乙丙丁之次也元后傳言見於丙

置左右年二歲而宣帝崩元帝即位帝為太子壯好經書寬博謹

慎初居桂宮。師古曰三輔黃圖桂宮在城中近北宮非太子宮上嘗急召太子出龍樓門。張晏曰

有銅龍若白鶴飛廉之為名也不敢絕馳道。應劭曰馳道天子所行道也若今之中道師古曰絕橫度也西至直城門。晉灼曰

出南頭第一門也得絕乃度還入作室門上遲之間其故以狀對上大說。師古曰說

乃著令令太子得絕馳道云。師古曰言云者此舉著令之文其後幸酒樂燕樂。晉灼曰幸

隆按遲字與上急字相顧



酒好酒也。師古曰：幸酒晉說是也。樂燕樂者論語稱孔子云：上不以為能而定陶損者三樂。樂三驕樂、樂三逸遊、樂三燕樂損矣。燕樂燕私之樂也。

隆按史丹補助太子詳具本傳又按先帝尤愛太子應前宣帝愛之句

隆按以下歷紀災異蓋漢至元成中衰之漸故妖孽之屢見如此

恭王有材藝。母傅昭儀又愛幸。上以故常有欲以恭王為嗣。賴侍中史丹護太子家輔助有力。上亦以先帝尤愛太子。故得無廢。竟寧元年五月。元帝崩。六月己未。太子即皇帝位。謁高廟。尊皇太后曰太皇太后。皇后曰皇太后。以元舅侍中衛尉陽平侯王鳳為大司馬大將軍。領尚書事。乙未。有司言乘輿車牛馬禽獸皆非禮。不宜以葬。奏可。七月。大赦天下。

建始元年春正月乙丑。皇曾祖悼考廟災。文穎曰：宣帝父史皇孫廟。立故河間王

弟上郡庫令良為王。如淳曰：漢官北邊郡庫官之兵器所藏。故置令。有星孛于營室。罷上林詔

獄。師古曰：漢書儀云：上林詔獄。主治苑中禽獸宮館事。屬水衡。二月。右將軍長史姚尹等使匈奴還。去

塞百餘里。暴風火發燒殺尹等七人。賜諸侯王丞相將軍列侯王

太后公主王主吏二千石黃金。張晏曰：天子女曰公主。秩比公也。王主王之女也。師古曰：王主則翁主也。王自主婚。故曰王主。

宗室諸官吏千石以下至二百石。及宗室子有屬籍者。三老孝弟

力田鰥寡孤獨錢帛。各有差。吏民五十戶牛酒。詔曰：迺者火災降

於祖廟。有星孛于東方。始正而虧。如淳曰：言始即帝之正。而有彗星之虧也。咎孰大焉。書云

惟先假王正厥事。師古曰：商書高宗彤日。載武丁之臣祖乙之辭也。假至也。羣言先古至道之君。遭遇災變則正其行事。修德以應之。羣

公孜孜。帥先百寮。輔朕不逮。崇寬大。長和睦。凡事恕己。毋行苛刻。

其大赦天下。使得自新。封舅諸吏光祿大夫。關內侯王崇。為安成

侯。應劭曰：百官表諸吏得舉。法案劾。職如御史中丞。武帝初世。皆兼官所加。或列侯將軍卿大夫為之。無員也。賜舅王譚商立根逢

時爵關內侯。夏四月。黃霧四塞。博問公卿大夫。無有所諱。六月。有

青蠅。無萬數。師古曰：言其極多。雖欲以萬數計之。而不可得。故云無萬數。集未央宮殿中。朝者坐。服虔曰：公卿以下朝會坐也。師古曰：朝臣坐之在宮殿中者也。服說是矣。坐音才臥反。秋罷上林宮館。希御幸者。二十五所。

八月。有兩月相承。晨見東方。服虔曰：相承在上下也。應劭曰：案京房易傳云：君弱如婦。為陰所乘。則兩月出。九月。戊

子。流星光燭地。長四五丈。委曲蛇形。貫紫宮。十二月。作長安南北

郊。罷甘泉汾陰祠。是日大風。拔甘泉時中大木十章以上。師古曰：章與圍同。

郡國被災什四以上。毋收田租。師古曰：什四謂田畝所收十損其四。

茅坤曰：識人得意之象

二年春正月罷雍五時辛巳上始郊祀長安南郊詔曰迺者徒泰

時后土于南郊北郊朕親飭射郊祀上帝師古曰飭整也讀與敕同皇天報應神

光並見三輔長無共張繇役之勞師古曰共音居用反張音竹亮反謂供具張設他皆類此赦奉郊縣

長安長陵應劭曰天郊在長安城南地郊在長安城北長陵界中二縣有奉郊之勤故一切並赦之及中都官耐罪徒師古曰中

都官京師諸官府減天下賦錢算四十孟康曰本算百二十今減四十為八十閏月以渭城延陵亭

部為初陵二月詔三輔內郡舉賢良方正各一人師古曰內郡謂非邊郡三月

北宮井水溢出辛丑上始祠后土于北郊丙午立皇后許氏師古曰許嘉女

罷六廐技巧官師古曰謂巧裁之技耳非倡樂之技也夏大旱東平王宇有罪削樊亢父

縣師古曰樊及亢父東平之二縣也亢音抗父音甫秋罷太子博望苑文穎曰武帝為備太子作此苑令受賓客也以賜宗

室朝請者師古曰請音才性反減乘輿廐馬

三年春三月赦天下徒賜孝弟力田爵二級諸逋租賦所振貸勿

收秋關內大水七月虎上小女陳持弓聞大水至走入橫城門闌

入尚方掖門服虔曰虎音斯應劭曰虎上地名在渭水邊陳姓也持弓名也無符籍妄入宮曰闌掖門者正門之傍小門也如淳曰橫音光三輔皇圖北面

楊慎曰列子有半有闌子之句闌義與闌同

西頭第一門師古曰掖門在兩傍音如八臂掖也至未央宮鉤盾中吏民驚上城九月詔曰迺

者郡國被水災流殺人民多至千數京師無故訛言大水至師古曰訛偽言

吏民驚恐奔走乘城師古曰乘登也殆苛暴深刻之吏未息元元冤失職

者眾師古曰麻常也失其常業遣諫大夫林等循行天下冬十二月戊申朔日有

蝕之夜地震未央宮殿中詔曰蓋聞天生眾民不能相治為之立

君以統理之君道得則草木昆蟲咸得其所師古曰昆衆也人君不德謫

見天地災異婁發以告不治朕涉道日寡舉錯不中乃戊申日蝕

地震朕甚懼焉公卿其各思朕過失明白陳之女無面從退有後

言師古曰虞書益稷之篇云帝曰予途汝嗣汝無面從退有後言謂我有後道汝當正之無得對面則順從唯唯退後則有謗謚之言也故此詔引之丞相御

史與將軍列侯中二千石及內郡國舉賢良方正能直言極諫之

士詣公車朕將覽焉越嶲山崩

四年春罷中書宦官臣瓚曰漢初中人有中謂者令孝武加中謂者令為中書謂者令置僕射宣帝時任中書官弘恭為令石顯為僕射元帝

即位數年恭死顯代為中書令初置尚書員五人師古曰漢舊儀云尚書四人為四曹常侍尚書主丞相御史事二千

隆接合兩詔而並觀之有君臣常各任其責之意

劉子暉曰以此知成帝之時紀綱不肅甚矣疑人不忌曰賊况近在宮掖耶國柄移于王氏不足怪也

石尙書主刺史二千石事戶曹尙書主庶人上書事主客尙書主外國事成帝置五人有三公曹主斷獄事

夏四月雨雪。師古曰雨音于具反。五

月中謁者丞陳臨殺司隸校尉轅豐於殿中。

應劭曰豐為長安令治有能名擢拜司隸校尉臨素與豐

有怨見其尊顯畏為己害拜訖未出使人刺殺

秋桃李實大水河決東郡金隄。

師古曰金隄者河隄之名今在滑州界

冬十月御史大夫尹忠以河決不憂職自殺。

河平元年春三月詔曰河決東郡流漂二州。

師古曰兗州豫州之地

校尉王延

世隄塞輒平其改元為河平。賜天下吏民爵各有差。夏四月己亥

晦日有蝕之既詔曰朕獲保宗廟戰戰栗栗未能奉稱。

師古曰謂不副先帝之業

傳曰男教不修陽事不得則日為之蝕天著厥異幸在朕躬公卿

大夫其勉悉心以輔不逮百寮各修其職惇任仁人退遠殘賊。

師古

曰惇厚也遠離也遠音于萬反

陳朕過失無有所諱大赦天下六月罷典屬國并大

鴻臚秋九月復太上皇寢廟園。

二年春正月沛郡鐵官冶鐵飛語在五行志夏六月封舅譚商立

根逢時皆為列侯。

三年春二月丙戌隄為地震山崩。

師古曰隄音其言反又其連反

雍江水水逆流。

師古曰雍

音壑其下皆同

秋八月乙卯晦日有蝕之光祿大夫劉向校中祕書

師古曰言中以外

謁者陳農使使求遺書於天下。

師古曰言令陳農為使而使之求遺書也上使音所吏反下使讀如本字

四年春正月匈奴單于來朝赦天下徒賜孝弟力田爵二級諸逋

租賦所振貸勿收二月單于罷歸國三月癸丑朔日有蝕之遣光

祿大夫博士嘉等十一人行舉瀕河之郡。

師古曰巡行而舉其狀也瀕水厓也瀕河言傍河也瀕音頻

水所毀傷困乏不能自存者財振貸其為水所流

壓死不能自葬令郡國給槨積葬埋已葬者與錢人

二千避水它郡國在所冗食之。

文穎曰冗散也散廩食使生活不占著戶給役使也如淳曰散著人間給食之官償其直也師

古曰文說是也冗音如勇反食讀曰飢

謹遇以文理無令失職。

師古曰勿使失其常理

舉惇厚有行能

直言之士壬申長陵臨涇岸崩雍涇水夏六月庚戌楚王囂薨山

陽火生石中改元為陽朔。

陽朔元年。

師古曰朔始也以火生石中言陽氣之始

春二月丁未晦日有蝕之三月赦天下

隆按王章以劾  
鳳得罪詳具元  
后傳

隆按權移王氏  
政日乖違以故  
傷天地之和而  
陰陽失序帝適  
谷公卿大夫之  
妻請過矣

徒冬京兆尹王章有罪下獄死。

二年春寒詔曰昔在帝堯立義和之官

應劭曰尙書堯典曰乃命羲和  
和羲和氏和氏世掌天地之官命以

四時之事令不失其序故書云黎民於蕃時雍

是大和也師古曰此虞書堯典之辭也今尙  
書作變而此紀作蕃兩說並通蕃音扶元反明以陰陽為本也今公卿大夫

或不信陰陽薄而小之

師古曰謂為  
輕小之事也所奏請多違時政

不知周行天下

師古曰言遞相因循以所不  
知之事施設教命周徧天下而欲望陰陽和調豈不謬哉

其務順四時月令三月大赦天下夏五月除吏八百石五百石秩

李奇曰除八百秩六  
百除五百秩四百秋關東大水流民欲入函谷天井壺口五阮關者

勿苛留

應劭曰天井在上黨高都壺口在壺關五阮在  
代郡師古曰苛細刻也阮音其遠反苛音何遣諫大夫博士分行視

八月甲申定陶王康薨九月奉使者不稱詔曰古之立太學將以

傳先王之業流化於天下也儒林之官四海淵原宜皆明於古今

溫故知新通達國體故謂之博士否則學者無述焉為下所輕非

所以尊道德也工欲善其事必先利其器丞相御史其與中二千

石二千石雜舉可充博士位者使卓然可觀是歲御史大夫張忠

卒

師古曰史不記其月故書  
之於歲末其下王陵亦同三年春三月壬戌隕石東郡八夏六月潁川鐵官徒申屠聖等百

八十人殺長吏盜庫兵自稱將軍經歷九郡遣丞相長史御史中

丞逐捕以軍興從事皆伏辜

師古曰逐捕之事須  
有發與曹依軍法秋八月丁巳大司馬

大將軍王鳳薨

四年春正月詔曰夫洪範八政以食為首

師古曰洪範尙書篇名箕子為  
周武王所說洪大也範法也八政一曰食蓋王政

之所先故以為首斯誠家給刑錯之本也

師古曰言倉庫充盈則家家  
自足人不犯禁無所用刑也先帝

劭農

晉灼曰劭勸勉也師古  
曰其字從力音時召反薄其租稅寵其強力

師古曰謂優  
寵力田之人令與孝弟

同科

師古曰謂每同  
薦舉及加賜也間者民彌惰怠鄉本者少趨末者衆將何以矯

之

師古曰春位在東耕者始作故  
矯正也方東作時

師古曰春位在東耕者始作故  
曰東作虞書堯典曰平秩東作其令二千石勉勸農桑

出入阡陌致勞來之

師古曰阡陌田間道也南北曰阡東西曰  
陌蓋秦時商鞅所開也勞來勸勉之意也書不云乎服

田力嗇乃亦有秋

應劭曰農夫服田厲其耨力乃有  
秋収也師古曰此商書盤庚之辭其勗之哉二月赦天

許應元曰以博  
士奉使不得  
故下詔令公卿  
二千石雜舉可  
充博士位者

隆按孝弟力行  
者而與力田同  
科蓋洪範首食  
之意

下秋九月壬申東平王宇薨閏月壬戌御史大夫于永卒師古曰于定國子

鴻嘉元年春二月詔曰朕承天地獲保宗廟明有所蔽德不能綏

刑罰不中衆寃失職趨闕告訴者不絕是以陰陽錯謬寒暑失序

師古曰日月不光百姓蒙辜朕甚閔焉書不云乎即我御事

罔克耆壽咎在厥躬文穎曰此尙書文侯之命篇中辭也師古曰方春生長

時臨遣諫大夫理等師古曰天子自臨赦而遣舉三輔三河弘農冤獄公卿大夫

部刺史明申敕守相稱朕意焉其賜天下民爵一級女子百戶牛

酒加賜鰥寡孤獨高年帛逋貸未入者勿收壬午行幸初陵赦作

徒師古曰徒人之在陵作役者以新豐戲鄉為昌陵縣師古曰戲水之鄉也音許宜反奉初陵賜百戶

牛酒上始為微行出張晏曰於後門出從期門郎及私奴客十餘人白衣組冬

黃龍見真定師古曰本趙國東垣縣也高祖十一年更名真定

二年春行幸雲陽三月博士行飲酒禮有雉蜚集于庭歷階升堂

而雉師古曰蜚古飛字也歷階謂以次而登也後集諸府又集承明殿師古曰在未央宮中詔曰古之選

賢傅納以言明試以功師古曰傳讀曰敷敷陳也令其陳言而省納之乃試以事也故官無廢事下無

逸民師古曰逸通也教化流行風雨和時百穀用成衆庶樂業咸以康寧

朕承鴻業十有餘年數遭水旱疾疫之災黎民婁困於飢寒而望

禮義之興豈不難哉朕既無以率道師古曰道讀曰導帝王之道日以陵夷

師古曰陵丘陵也夷平也言其類替若丘陵之漸平也又曰陵遲亦言如丘陵之逶迤稍卑下也他皆類此意廼招賢選士之路鬱

滯而不通與將舉者未得其人也其舉敦厚有行義能直言者冀

聞切言嘉謀匡朕之不逮夏徙郡國豪桀賞五百萬以上五千戶

于昌陵賜丞相御史將軍列侯公主中二千石冢地第宅師古曰並於昌陵賜

之六月立中山憲王孫雲客為廣德王

三年夏四月赦天下令吏民得買爵賈級千錢師古曰買讀曰價大旱秋八

月乙卯孝景廟闕災冬十一月甲寅皇后許氏廢廣漢男子鄭躬

等六十餘人攻官寺篡囚徒師古曰逆取曰篡盜庫兵自稱山君

四年春正月詔曰數赦有司務行寬大而禁苛暴訖今不改一人

有辜舉宗拘繫。農民失業。怨恨者衆。傷害和氣。水旱爲災。關東流  
冗者衆。師古曰。冗散失其事。業也。冗音人勇反。青幽冀部尤劇。朕甚痛焉。未聞在位有惻

然者。孰當助朕憂之。已遣使者循行郡國。被災害什四以上。民賞  
不滿三萬。勿出租賦。逋貸未入。皆勿收。流民欲入關。輒籍內。師古曰。錄其民

籍而內之。所之郡國。謹遇以理。師古曰。務有以全活之。思稱朕意。秋。渤海

清河河溢。被災者振貸之。冬。廣漢鄭躬等黨與漫廣。師古曰。漫古

歷四縣。衆且萬人。拜河東都尉趙護。爲廣漢太守。發郡中及蜀郡。

合三萬人擊之。或相捕斬。除罪。師古曰。賊黨相捕斬。而來者赦其本罪。旬月平。遷護爲執

金吾。賜黃金百斤。

永始元年春正月癸丑。太官凌室火。師古曰。冰之室。戊午。戾后園闕火。夏

四月。封婕妤趙氏父臨。爲成陽侯。五月。封舅曼子侍中騎都尉光

祿大夫王莽。爲新都侯。六月丙寅。立皇后趙氏。師古曰。趙飛燕也。即

赦天下。秋七月。詔曰。朕執德不固。謀不盡下。師古曰。言不博謀於羣下。過聽將作

隆拔立趙皇后  
詳具外戚傳  
陳仁子曰成帝  
天實本善如勇  
子去恭願罷諸

大匠萬年。師古曰。過誤也。萬年解萬年也。言昌陵三年可成。作治五年。中陵司馬殿門

內。尙未加功。臣瓌曰。天子之藏。中。無司馬殿門也。此謂陵上寢殿及司馬門也。時

是天下虛耗。百姓罷勞。客土疏惡。服虔曰。取他處土以增高。爲客土也。終不可成。朕惟其

難。怛然傷心。師古曰。惟思也。夫過而不改。是謂過矣。其罷昌陵。反故陵。勿

徙吏民。令天下毋有動搖之心。立城陽孝王子伋爲王。如淳曰。八

月丁丑。太皇太后王氏崩。師古曰。宣帝

二年春正月己丑。大司馬車騎將軍王音薨。二月癸未。夜星隕如

雨。乙酉晦。日有蝕之。詔曰。乃者龍見于東萊。日有蝕之。天著變異。

以顯朕郵。師古曰。郵與尤同。謂過也。朕甚懼焉。公卿申救百寮。深思天誠。有可省

減。便安百姓者。條奏。所振貸貧民。勿收。又曰。關東比歲不登。師古曰。比類也。

吏民以義。收食貧民。入穀物助縣官振贍者。已賜直。師古曰。收。食貧人。謂收取而養食之。

助縣官振贍。謂出物以助郡縣之官也。已賜直。謂官賜其所費直也。今方更加爵及免賦耳。食贍曰。鈔。

其百萬以上。加賜爵右更。師古曰。先已爲三十

欲爲吏。補二百石。其吏也。遷二等。師古曰。先已爲三十

前經賦租。皆可  
治至。于昌陵  
一節。雖曰。因劉  
向之言。而勇于  
改過。亦世所難  
及。借乎。爾憲女  
色。委政。外家。以  
貽國家之禍。小  
節。雖善。而大體  
未出。于善。君子  
少之。  
隆拔。劉向。疏罷  
昌陵。詳具本傳

萬以上賜爵五大夫。

師古曰第九爵也。

吏亦遷二等。民補郎十萬以上。家無

出租賦三歲。萬鍾以上。一年冬十一月。行幸雍。祠五畤。十二月。詔

曰。首將作大匠萬年。知昌陵卑下。不可為萬歲居。奏請營作。建置

郭邑。妄為巧詐。積土增高。多賦歛絲役。興卒暴之作。

師古曰。卒讀曰猝。謂急也。

徒蒙辜死者連屬。

師古曰。屬音之欲反。

百姓罷極。天下匱竭。常侍閱前為大司

農中丞。數奏昌陵不可成。

師古曰。閱王閱也。

侍中衛尉長數白。宜早止。徙家

反故處。

師古曰。長淳于長也。

朕以長言下閱章。

如淳曰。以衛尉長數白罷。故因下閱。請奏罷作之章。師古曰。下音胡。緣反。

公

卿議者皆合長計。首建至策。閱典主省大費。

師古曰。司農中丞。錢穀屬府。故云典主。

民以

康寧。閱前賜爵關內侯。黃金百斤。其賜長爵關內侯。食邑千戶。閱

五百戶。萬年佞邪不忠。毒流衆庶。海內怨望。至今不息。雖蒙赦令。

不宜居京師。其徙萬年敦煌郡。是歲。御史大夫王駿卒。

師古曰。王吉之子也。

三年春正月己卯晦。日有蝕之。詔曰。天災仍重。朕甚懼焉。惟民之

失職。師古曰。失其常業也。臨遣太中大夫嘉等。循行天下。存問耆老。民所疾苦。

其與部刺史。舉惇樸。遜讓有行義者各一人。冬十月庚辰。皇太后

詔有司。復甘泉泰畤。汾陰后土。雍五畤。陳倉陳寶祠。

師古曰。陳寶祠。祠在陳倉。

語

在郊祀志。十一月。尉氏男子樊並等十三人謀反。

師古曰。尉氏陳留之縣。

殺陳

留太守。劫略吏民。自稱將軍。徒李譚等五人。共格殺並等。皆封為

列侯。十二月。山陽鐵官徒蘇令等二百二十八人。攻殺長吏。盜庫

兵。自稱將軍。經歷郡國十九。殺東郡太守汝南都尉。遣丞相長史

御史中丞。持節督趣逐捕。

師古曰。趣讀曰促。

汝南太守嚴詵。捕斬令等。

師古曰。詵與欣

同。令即蘇令。遷詵為大司農。賜黃金百斤。

四年春正月。行幸甘泉。郊泰畤。神光降集紫殿。大赦天下。賜雲陽

吏民爵。女子百戶。牛酒。鰥寡孤獨。高年帛。三月。行幸河東。祠后土。

賜吏民。如雲陽。行所過。無出田租。夏四月癸未。長樂臨華殿。未央

宮東司馬門。皆災。

師古曰。東面之司馬門也。

六月甲午。霸陵園門闕災。出杜陵諸

未嘗御者歸家。詔曰。邇者地震京師。火災婁降。朕甚懼之。有司其

悉心明對厥咎。朕將親覽焉。又曰。聖王明禮制。以序尊卑。異車服。以章有德。雖有其財。而無其尊。不得踰制。故民興行。上義而下利。

師古曰。以義為上。以利為下。

方今世俗奢僭罔極。

師古曰。極中。也。一曰止也。

靡有厭足。公卿列侯親屬近臣。四方所則。未聞修身遵禮。同心憂國者也。或廼奢侈逸豫。

務廣第宅。治園池。多畜奴婢。被服綺縠。設鐘鼓。備女樂。車服嫁娶。葬埋過制。吏民慕效。寢以成俗。而欲望百姓儉節。家給人足。豈不難哉。詩不云乎。赫赫師尹。民具爾瞻。

師古曰。小雅節南山之詩也。赫赫盛貌也。師尹尹氏為太師之官也。言居位甚高。備為三衆。庶所瞻仰。

其申敕有司。以漸禁之。青綠民所常服。且勿止。

師古曰。然則禁紅紫之屬。

隆接不變謂不變過制之服。

列侯近臣。各自省改。

師古曰。省。視也。視而改之。

司隸校尉。察不變者。秋七月辛未。晦。日有蝕之。

王禛曰。宋庠紀年通譜。義取元祚而更為延始。

元延元年春正月己亥朔。日有蝕之。三月行幸雍。祠五畤。夏四月丁酉。無雲有雷聲。光耀耀四面。下至地昏止。赦天下。秋七月有星孛于東井。詔曰。廼者日蝕星隕。謫見于天。大異重仍。在位默然。罕

有忠言。今孛星見于東井。朕甚懼焉。公卿大夫博士議郎。其各悉心。惟思變意。明以經對。無有所諱。與內郡國舉方正能直言極諫者各一人。

師古曰。令。公卿與內郡國各舉一人。

北邊二十二郡。舉勇猛知兵法者各一人。封蕭相國後喜為鄼侯。冬十一月辛亥。大司馬大將軍王商薨。是歲。昭儀趙氏害後宮皇子。

師古曰。趙飛燕之妹。

二年春正月。行幸甘泉。郊泰畤。二月。行幸河東。祠后土。夏四月立廣陵孝王子守為王。冬。行幸長楊宮。從胡客大校獵。

師古曰。此校謂以木自相貫穿為闌。校耳。按人職云。六麻成校。是則以遮闌為義也。校獵者。大為闌校。以遮禽獸。而獵取也。軍之幡旗。雖有三校名。本因部校。此無緣也。

宿黃陽宮。

師古曰。黃音倍。

賜從官。

三年春正月丙寅。蜀郡岷山崩。師古曰。岷音武巾反。雍江三日。江水竭。二月。封

侍中衛尉淳于長為定陵侯。三月。行幸雍。祠五畤。

四年春正月。行幸甘泉。郊泰畤。二月。罷司隸校尉官。三月。行幸河

東。祠后土。甘露降京師。賜長安民牛酒。

劉子暉曰。成帝惑于昭儀。自毀其子。哀帝惑于董賢。而欲選以位人。君一有所惑。舉其甚重。而不顧恩矣哉。隆接趙昭儀害皇子。詳具外戚傳。



王禕曰宋庠紀年通譜安也義取安和以冠元

綏和元年春正月大赦天下二月癸丑詔曰朕承太祖鴻業奉宗廟二十五年德不能綏理宇內百姓怨望者衆不蒙天祐至今未有繼嗣天下無所繫心觀于往古近事之戒禍亂之萌皆由斯焉

師古曰始生曰萌定陶王欣於朕為子慈仁孝順可以承天序繼祭祀其立

欣為皇太子封中山王舅諫大夫馮參為宜鄉侯益中山國三萬

戶以慰其意師古曰以不得繼統為帝之後恐其怨恨賜諸侯王列侯金天下當為父後者

爵三老孝弟力田帛各有差又曰蓋聞王者必存二王之後所以

通三統也師古曰天地人是為三統二王之後并己為三昔成湯受命列為三代師古曰夏殷周是為三代而

祭祀廢絕考求其後莫正孔吉臣瓚曰無若孔吉最正也其封吉為殷紹嘉侯三

月進爵為公及周承休侯皆為公地各百里行幸雍祠五畤夏四

月以大司馬票騎大將軍為大司馬文穎曰王根也罷將軍官御史大夫為

大司空封為列侯益大司馬大司空奉如丞相如淳曰律丞相大司馬大將軍奉錢月六萬御史大

夫奉月四萬也秋八月庚戌中山王興薨冬十一月立楚孝王孫景為定

隆按封吉以繼絕世亦王政之大者

隆按此時翟方進何武議刺史位下大夫而賈二千石輕重不相准宜更置州牧以應古制語具本傳

陶王定陵侯淳于長大逆不道下獄死廷尉孔光使持節賜貴人

許氏藥飲藥死師古曰即前所廢皇后許氏也十二月罷部刺史更置州牧秩二千

石

二年春正月行幸甘泉郊泰畤二月壬子丞相翟方進薨三月行

幸河東祠后土丙戌帝崩于未央宮臣瓚曰帝年二十即位即位二十六年壽四十五師古曰即位明年乃改元耳

十六皇太后詔有司復長安南北郊四月己卯葬延陵臣瓚曰延陵在扶風去長安六

里贊曰臣之姑充後宮為婕妤晉灼曰班彪之姑也父子昆弟侍帷幄數為臣言

成帝善修容儀升車正立不內顧不疾言不親指臨朝淵嘿尊嚴

若神可謂穆穆天子之容者矣師古曰禮記云天子穆穆諸侯皇皇大夫濟濟士瞻瞻故此贊引之博覽古

今容受直辭公卿稱職奏議可述師古曰稱職克當其任也可述言有文采遭世承平上下

和睦然湛于酒色師古曰湛讀曰耽趙氏亂內外家擅朝言之可為於邑師古

曰於邑短氣貌讀如本字建始以來王氏始執國命哀平短祚莽遂篡

於又音烏邑又音烏合反

隆按贊述婕妤與父子昆弟之言而但稱帝儀容之盛則其德之不足已隱然于言表云

劉知幾曰五行志云成帝好微行同十餘人皆白衣袒幘曰稱富平侯家云云

由斯而言則成帝雖外飾威重而內肆輕薄人君之望不其缺如觀孟堅紀志

所言前後目相  
矛盾者矣

位蓋其威福所由來者漸矣。

漢書評林卷之十終

漢書評林卷之十一

明 吳興凌 稚隆輯校

東京菊池 純校閱

日本 美濃杉山 令訓點

哀帝紀第十一

孝哀皇帝

荀悅曰諱欣之字曰喜  
應劭曰恭仁短折曰哀

元帝庶孫定陶恭王子也。母曰丁姬。

年三歲。嗣立為王。長好文辭法律。師古曰年  
長而好之元延四年入朝。盡從傅

相中尉。

師古曰三官  
皆從王入朝

時成帝少弟中山孝王亦來朝。獨從傅。上怪之。

以問定陶王。對曰。令諸侯王朝。得從其國二千石。傅相中尉皆國

二千石。故盡從之。上令誦詩。通習能說。師古曰  
說其義他日問中山王。獨從

傅在何法令。不能對。令誦尚書。又廢。師古曰  
中忘之及賜食於前後飽。起

下鞮繫解。

師古曰食而獨有後飽及起  
又鞮係解也鞮音武伐反

成帝由此以為不能。而賢定陶王。

數稱其材。時王祖母傅太后隨王來朝。私賂遺上所幸趙昭儀。及

隆按定陶王以  
來對從好法律

隆接不為共王  
立後則太子為  
後之誰不事故  
立景為定陶王  
以奉共王之祀  
所以勸使太子  
專為天子之後  
無復顧念藩國  
也

拱通曰公羊書  
魯隱公成公事

帝舅票騎將軍曲陽侯王根。昭儀及根見上亡子。亦欲豫自結為  
長久計。皆更稱定陶王。勸帝以為嗣。師古曰。更音工衛反。成帝亦自美其材。為  
加元服而遣之。師古曰。為之冠。時年十七矣。明年使執金吾任宏守大鴻

臚。持節徵定陶王。立為皇太子。謝曰。臣幸得繼父守藩。為諸侯王。  
材質不足以假充太子之宮。師古曰。謙不敢言為太子。子故云假充。若言非正。陛下聖德寬仁。敬

承祖宗。奉順神祇。宜蒙福祐。子孫千億之報。師古曰。大雅假樂之詩曰。千  
承宜八。天所保佑。求得其福。故子孫承多也。十萬曰億。故此謝書引以為言。臣願且得留國邸。旦夕奉問起居。俟

有聖嗣。歸國守藩。書奏。天子報聞。後月餘。立楚孝王孫景為定陶  
王。奉恭王祀。所以獎厲太子專為後之誼。師古曰。獎勸使也。語在外戚傳。綏

和二年三月。成帝崩。四月丙午。太子即皇帝位。謁高廟。尊皇太后  
曰太皇太后。皇后曰皇太后。大赦天下。賜宗室王子有屬者馬各

一駟。師古曰。有屬謂親未盡。尚有服者。吏民爵百戶。牛酒。二老孝弟力田鰥寡孤獨  
帛。太皇太后詔尊定陶恭王為恭皇。五月丙戌。立皇后傅氏。師古曰。傅晏女。

有母以子貴之  
語後世援以為  
說。致以妾為后  
妃如漢哀帝尊  
傅昭儀為皇太  
后者不可勝數

茅坤曰。賈禹初

詔曰。春秋母以子貴。尊定陶太后曰恭皇太后。丁姬曰恭皇后。各

置左右詹事。食邑如長信宮中宮。應劭曰。成帝母王太后居長信宮。李奇曰。傅  
姬如長信。丁姬如中宮也。師古曰。中宮皇后之。追尊傅父為崇祖侯。丁父為褒德侯。師古曰。傅父。傅太后之父。封舅丁明

為陽安侯。舅子滿為平周侯。追諡滿父忠為平周懷侯。皇后父晏  
為孔鄉侯。皇太后弟侍中光祿大夫趙欽為新成侯。六月。詔曰。鄭

聲淫而亂樂。師古曰。鄭國有溱洧之水。男女  
亟於其間。聚會。故俗亂而樂淫。聖王所放。其罷樂府。曲陽侯  
根前以大司馬建社稷策。益封二千戶。師古曰。王根也。建  
議立哀帝為太子。太僕安陽侯

舜輔導有舊恩。益封五百戶。師古曰。王舜。及丞相孔光大司空氾鄉侯  
何武益封各千戶。師古曰。氾音汎。詔曰。河間王良喪太后三年。為宗室儀

表。師古曰。言為禮儀之表率。益封萬戶。又曰。制節謹度。以防奢淫。為政所先。百王  
不易之道也。諸侯王列侯公主吏二千石。及豪富民。多畜奴婢田

宅亡限。與民爭利。百姓失職。重困不足。師古曰。重音直。用反。其議限列。師古曰。命  
條列而為有司條奏。諸王列侯得名田國中。列侯在長安及公主名田縣

道關內侯吏民名田皆無得過三十頃。如淳曰名田國中者自其所食國中頃名田縣道者令甲諸侯在國名田他縣罰金二兩今列侯有不之國者雖違食其國租稅復自得田於他縣道公主亦如之不得過三十頃諸侯王奴婢

二百人列侯公主百人關內侯吏民三十人年六十以上十歲以下不在數中賈人皆不得名田為吏。如淳曰市井子孫不得為吏見食貨志犯者以律論

諸名田畜奴婢過品皆沒入縣官齊三服官諸官織綺繡難成害女紅之物皆止無作輸。師古曰謂未成者不作已成者不輸耳除任子令及誹謗詆欺法

十以下出嫁之官奴婢五十以上免為庶人禁郡國無得獻名獸益吏三百石以下奉。師古曰奉音扶用反察吏殘賊酷虐者以時退有司無得

舉赦前往事博士弟子父母死予寧三年。師古曰舉謂處家持喪服秋曲陽侯王根成都侯王況皆有罪根就國況免為庶人歸故郡詔曰朕承宗

廟之重戰戰兢兢懼失天心間者日月亡光五星失行郡國比比地動。師古曰比比猶言頻頻也迺者河南潁川郡水出流殺人民壞敗廬舍朕之

隆接連下皆字簡而該

胡纘宗曰此時尙未以三年為通喪也而僅行于博士弟子耶

王禕曰厚施于民陳氏所以傾齊以私田于貧民王氏所以傾漢蓋王氏不師陳氏而事偶合者也哀帝不能明家施不出國之義以裁之豈未察其意故耶

不德民反蒙辜朕甚懼焉已遣光祿大夫循行舉籍。師古曰舉其名籍也行音下更反

賜死者棺錢人三千。師古曰賜錢三千以充棺其令水所傷縣邑及他郡國災害什四以上民貲不滿十萬皆無出今年租賦。師古曰什四謂什分損四

建平元年春正月赦天下侍中騎都尉新成侯趙欽成陽侯趙訢皆有罪免為庶人徙遼西。師古曰欽訢皆趙昭儀之兄太皇太后詔外家王氏田

非冢塋皆以賦貧民。師古曰塋冢域也賜給與也塋音營二月詔曰蓋聞聖王之治以得賢為首其與大司馬列侯將軍中二千石州牧守相舉孝弟惇

厚能直言通政事延于側陋可親民者各一人。師古曰言有孝弟惇厚直可延致而任者皆令舉之三月賜諸侯王公主列侯丞相將軍中二千石中都官

郎吏金錢帛各有差冬中山孝王太后媛。師古曰馮奉世之女也媛音爰弟宜鄉侯馮參有罪皆自殺

二年春三月罷大司空復御史大夫。師古曰復音扶目反此下亦同夏四月詔曰漢家之制推親親以顯尊尊。師古曰天子之至親當極尊號定陶恭皇之號不宜復稱

定陶尊恭皇太后曰帝太太后。稱永信宮。恭皇后曰帝太后。稱中安宮。立恭皇廟于京師。赦天下徒。罷州牧。復刺史。六月庚申。帝太后丁氏崩。上曰。朕聞夫婦一體。詩云。穀則異室。死則同穴。師古曰。詩之篇也。穀。生也。穴。冢。壙也。昔季武子成復。杜氏之殯在西階下。請合葬而許之。師古曰。季武子魯大夫。季孫宿也。成。復。新為復室也。事見禮記檀弓。附葬之禮。自周興焉。師古曰。禮記稱孔子曰。合葬非古也。自周以來。未之有也。

郁郁乎文哉。吾從周。孝子事亡如事存。帝太后宜起陵。恭皇之園。遂葬定陶。發陳留濟陰近郡國五萬人穿復土。師古曰。為冢壙也。復音扶。目反。待詔

夏賀良等言。赤精子之讖。應劭曰。諸以材技徵召。未有正官。故曰待詔。夏姓也。賀良名也。高祖感赤龍而生。自謂赤帝之精。良等因是作此讖。漢家歷運中衰。當再受命。宜改元易號。詔曰。漢興二百載。歷數開元。皇天降非材之佑。應劭曰。哀帝自言。不才天降之佑。漢國再獲受命之符。朕

之不德。曷敢不通。夫基事之元命。必與天下自新。師古曰。基始也。元大也。始為大事之命。謂改制度也。又曰。更受天之天命。其大赦天下。以建平二年為太初元。將元年。號曰陳聖劉太平皇帝。如淳曰。陳舜後。王莽陳之後。隱語以明莽當篡立而不。知。章昭曰。數陳聖劉之德也。師古曰。如章二說。是也。漏刻以

百二十為度。師古曰。舊漏晷夜共百刻。今增其二十一。此本齊人。忠可所造。今賀良等重首。遂施行之。事見李善傳。七月。以渭城西北原上。永陵亭部為初陵。勿徙郡國民。使得自安。八月。詔曰。待詔夏賀良等建言。改元易號。增益漏刻。可以永安國家。朕過聽賀良等言。師古曰。過。誤也。冀為海內獲福。卒亡嘉應。皆違經背古。不合時宜。

六月甲子。制書。非赦令也。皆蠲除之。臣瓌曰。改元易號。大赦天下。以求延祚。赦罪事皆除之。謂改制易號。令皆復故也。師古曰。瓌說是矣。非赦令也。而不蒙福。哀帝悔之。故更下制書。諸非猶言。自非赦令耳。也。語終辭也。而讀者不曉。輒改也。為他字。失本文矣。賀良等反道惑眾。下有司皆伏辜。丞相博。御史大夫玄。孔鄉侯晏。有罪。師古曰。博。玄。晏。博。自。殺。玄。滅。死。一。等。論。晏。削。戶。四。分。之。一。語。在。博。傳。

三年春正月。立廣德夷王弟廣漢為廣平王。癸卯。帝太后所居桂宮正殿火。三月己酉。丞相當薨。師古曰。平當。有星孛于河鼓。夏六月。立魯頃王子鄒鄉侯閔為王。蘇林曰。鄒音魚。縣名也。屬東海。師古曰。又音吾。冬十一月壬子。復

甘泉泰畤。汾陰后土祠。罷南北郊。東平王雲。雲后謁。安成恭侯夫

人放。文穎曰。恭侯王。崇王太后弟。皆有罪。雲自殺。謁放棄市。

共適曰吉凶禍福之事。蓋未嘗不先元其祥。然固有知之令之。而翻取殺身亡族之害者。如夏賀良以為漢立中衰。當更受命。遂有陳聖劉太平皇帝之事。賀良坐不道。及王莽篡竊。自謂陳後而光武實應之。宋祁曰。子按王

四年春大旱。關東民傳行西王母籌。師古曰：西王母，元后壽考之象，行經

歷郡國。西入關至京師。民又會聚祠西王母。或夜持火上屋。李奇曰：皆陰為

陽之象。擊鼓號呼，相驚恐。師古曰：呼，音火故反。二月，封帝太后從弟侍中傅商

為汝昌侯。太后同母弟子侍中鄭業為陽信侯。三月，侍中駙馬都

尉董賢、光祿大夫息夫躬、南陽太守孫寵，皆以告東平王封列侯。

語在賢傳。夏五月，賜中二千石至六百石及天下男子爵。六月，尊

帝太太后為皇太太后。秋八月，恭皇園北門災。冬，詔將軍中二千

石舉明兵法有大慮者。

元壽元年春正月辛丑朔，日有蝕之。詔曰：朕獲保宗廟，不明不敏，

宿夜憂勞，未皇寧息。師古曰：皇，暇也。惟陰陽不調，元元不贍。師古曰：贍，足也。未睹厥

咎，婁敕公卿庶幾有望。師古曰：望，其屬精，為治，婁古屢字。至今有司執法未得其中，

或上暴虐，假執獲名，溫良寬柔，陷於亡滅，是故殘賊彌長，和睦日

衰，百姓愁怨，靡所錯躬。師古曰：錯，置也。音千故反。迺正月朔，日有蝕之，厥咎不遠。

隆按漢書感字多作或字，顏氏不為明注何也。

在余一人。公卿大夫其各悉心，勉帥百寮，敦任仁人，黜遠殘賊。師古曰：黜，遠也。

日敦厚也，遼音柔万反。期於安民，陳朕之過失，無有所諱，其與將軍列侯中二

千石舉賢良方正能直言者各一人，大赦天下。丁巳，皇太太后傅

氏崩。三月，丞相嘉有罪，下獄死。師古曰：王嘉。秋九月，大司馬票騎將軍

丁明免。孝元廟殿門銅龜蛇鋪首鳴。如淳曰：門鋪首作龜蛇之形，而鳴呼也。師古曰：門之鋪首，所以衛環者也。鋪音

音胡。

元壽二年春正月，匈奴單于烏孫大昆彌來朝。二月，歸國。單于不

說。師古曰：說，讀曰悅。語在匈奴傳。夏四月，壬辰晦，日有蝕之。五月，正三公官

分職。大司馬衛將軍董賢為大司馬，丞相孔光為大司徒，御史大

夫彭宣為大司空，封長平侯。正司直司隸，造司寇職。師古曰：司直司隸，漢舊有之，但改正

其職掌，而司寇書無。今特創置，故云造也。事未定。六月，戊午，帝崩于未央宮。臣瓚曰：帝年二十，即

五，師古曰：即位明年。秋九月，壬寅，葬義陵。臣瓚曰：自崩至葬，凡百五日，義陵在扶風，去長安四十六里。

贊曰：孝哀自為藩王，及充太子之宮，文辭博敏，幼有令聞。師古曰：博，廣也。敏，疾

蘇轍曰：哀帝在國好禮節，儉知

成帝權奪于王氏及即位收攬威柄朝廷悚然而傅太后僭竊名號復寵任幸臣雖欲貶損王氏而身既失德朝無重臣其若王氏何哉  
 李夢陽曰或問哀帝襲誅大臣而卒不威何也曰人主以無威為威有代王之相則百官自正有執法之吏則百度自貞君何為哉故自用者小侵下者煩煩小之政挾之誅戮則人心離翅哀帝非正己之君乎

也令善也。睹孝成世。祿去王室。權柄外移。是故臨朝。婁誅大臣。欲彊

主威以則武宣。師古曰。則法也。雅性不好聲色。時覽下射武戲。蘇林曰。手搏

武戲也。香灼曰。甘延壽傳。試十為三期門。即位痿痺。蘇林曰。痿音萎。枯之萎。如淳曰。痿音蹠。蹠之蹠。蹠病兩

必寐反。蹠蹠者。督名。事見香令。蹠音煩。蹠音糲。末年滯劇。師古曰。滯漸也。饗國不永。哀哉。

漢書評林卷之十一 終

漢書評林卷之十二

明 吳興 凌 稚隆輯校

東京 菊池 純校閱

日本 美濃 杉山 令訓點

平帝紀第十二

孝平皇帝。荀悅曰。諱衍之字。曰樂。應劭曰。布。綱治紀曰。平。師古曰。衍音口旱反。元帝庶孫中山孝王子也。母

曰衛姬。年三歲。嗣立為王。元壽二年六月。哀帝崩。太皇太后詔曰。大司馬賢年少。不合衆心。師古曰。董賢。其上印綬。罷賢即日自殺。新都

侯王莽為大司馬。領尚書事。秋七月。遣車騎將軍王舜。大鴻臚左

成。使持節迎中山王。師古曰。為使而持節也。使音所吏反。辛卯。貶皇太后趙氏為孝成皇

后。退居北宮。哀帝皇后傅氏退居桂宮。師古曰。北宮及桂宮皆在城中。而非未央宮中也。孔鄉

侯傅晏。少府董恭等。皆免官爵。徙合浦。師古曰。董賢之父。九月。辛酉。中山王

即皇帝位。謁高廟。大赦天下。帝年九歲。太皇太后臨朝。大司馬莽

劉牧曰。辛酉去哀帝崩六十四日

秉政百官總己以聽於莽。師古曰、聚束詔曰夫赦令者將與天下更

始誠欲令百姓改行絜己全其性命也往者有司多舉奏赦前事

累增罪過誅陷亡辜殆非重信慎刑洒心自新之意也。師古曰、洒濂也、音先禮反、

及選舉者其歷職更事有名之士則以為難保。師古曰、更經也、難保者、言已嘗有罪過、不可保也、更

音工、廢而弗舉甚謬於赦小過舉賢材之義諸有臧及內惡未發

而薦舉者皆勿案驗。師古曰、有臧謂、以臧貨至罪、令士厲精鄉進。師古曰、鄉、讀曰嚮、不以小

疵妨大材。師古曰、疵病也、自今以來有司無得陳赦前事置奏上。師古曰、置立也、置奏上謂、

立文奏而上陳也、上音時掌反、有不如詔書為虧恩以不道論定著令布告天下使

明知之。

元始元年春正月越裳氏重譯獻白雉一黑雉一。師古曰、越裳南方蠻國也、譯謂傳言也、

路絕遠風俗殊隔詔使三公以薦宗廟羣臣奏言大司馬莽功德比周

公賜號安漢公及太師孔光等皆益封語在莽傳賜天下民爵一

級吏在位二百石以上一切滿秩如真。師古曰、賜諸官有試守者、特加非常之恩、令如真耳、非凡除吏皆當試守

俸雖有其名皆不滿其數平帝即位推恩故賜令滿秩如二千石者得兩千石也

也、一切者權時之事非經常也猶如以刀切物、立故東平王雲太子開明為王

故桃鄉頃侯子成都為中山王封宣帝耳孫信等三十六人皆為

列侯太僕王憚等二十五人。師古曰、憚音於吻反、前議定陶傅太后尊號守經

法不阿指從邪右將軍孫建爪牙大臣大鴻臚咸前正議不阿。師古曰、咸、

從奉節使迎中山王。師古曰、謂奉節、持節而為使、及宗正劉不惡執金吾任岑中

郎將孔永尚書令姚恂沛郡太守石詡。師古曰、岑音土林反、皆以前與

建策東迎即位。師古曰、帝本在中山、出關而迎、故曰東迎、與讀曰豫、奉事周密勤勞賜爵關內侯

食邑各有差賜帝徵即位前所過縣邑吏二千石以下至佐史爵

各有差又令諸侯王公列侯關內侯亡子而有孫若子同產子者

皆得以為嗣。師古曰、子同產子者、謂養昆弟之子為子者、公列侯嗣子有罪耐以上先請宗

室屬未盡而以罪絕者復其屬。師古曰、復音扶自反、其為吏舉廉佐史補四百

石。師古曰、言宗室為吏者皆令舉廉各從一本秩而依廉吏遷之、為佐史者例補四百石、天下吏比二千石以上年老致

仕者參分故祿以一與之終其身。師古曰、參三也、遣諫大夫行三輔。師古曰、行音下更反、



舉籍吏民。

張晏曰：舉，錄賦歛之籍而償之。

以元壽二年倉卒時橫賦歛者償其直。

師古曰：卒，

讀曰：猝，橫音胡孟反。

義陵民家不妨殿中者勿發。

師古曰：殿中謂殿中象正殿處。

天下吏舍亡得置

什器儲侍。

師古曰：軍法五人為伍，二伍為什，則共其器物，故通為生之具。為什器，亦猶今之從軍及作役者，十人為火，共畜調度也。儲積也，待具也，待音丈紀反。

二月置義和官秩二千石。外史閭師秩六百石。

應劭曰：周禮閭師掌四

班教化。禁淫祀。放鄭聲。乙未。義陵寢神衣在柙中。丙申旦衣在外

牀上。

文穎曰：寢，帝陵也。衣在柙中，今自出在牀上。師古曰：柙，匣也。音狎。

寢令以急變聞。

師古曰：非常之

用太牢

祠。夏五月丁巳朔日有蝕之。大赦天下。公卿將軍中二千石舉敦

厚能直言者各一人。六月使少傅左將軍豐。

師古曰：豐，

賜帝母中山

孝王姬璽書拜為中山孝王后。賜帝舅衛寶寶弟立爵關內侯。賜

帝女弟四人號皆曰君。食邑各二千戶。封周公後公子相如為褒

魯侯。孔子後孔均為褒成侯。奉其祀。追諡孔子曰褒成宣尼公。罷

明光宮及三輔馳道。天下女徒已論歸家。顧山錢月三百。

如淳曰：已論者，罪已

定也。令甲女子犯罪，作如徒六月，顧山還歸，說以為當於山伐木，聽使入錢，顧山工直，故謂之顧山。師古曰：如說近之，謂女徒論罪已定，並放歸家，不親役之，但令一月出錢三百以

魏了翁曰：古者弟子之于師，子孫之于祖父，尊之無以加也。則稱字以別之。新莽不知仲尼之為尊也，妄為作諡，然宣尼之公未嘗制其字。

也。至追崇之典，代增則以累證為重，加封為貴矣。

復貞婦鄉一人。

師古曰：復，音方目反。鄉，一八取其尤最者。

置少府海丞

果丞各一人。

師古曰：海丞，主海稅也。果丞，掌諸果實也。

大司農部丞十三人。人部一州勸農

桑。太皇太后省所食湯沐邑十縣。屬大司農。常別計其租入以贍

貧民。秋九月赦天下徒。以中山苦陘縣為中山孝王后湯沐邑。

師古曰：陘，音形。

二年春黃支國獻犀牛。

應劭曰：黃支在日南之南，去京師三萬里。師古曰：犀狀如小水牛，頭似豬而四足，類象黑色，一角當額前，鼻上又有小

詔曰：皇帝一名通于器物。

孟康曰：平帝本名笑子，更名曰。術，笑用器也。故云通于器物。

今更名合於

古制。使太師光奉太牢告祠高廟。夏四月立代孝王玄孫

之子如意為廣宗王。江都易王孫射台侯宮為廣川王。

師古曰：射音許于反，台音怡。

廣川惠王曾孫倫為廣德王。封故大司馬博陸侯霍光從父昆弟

曾孫陽宣。平侯張敖玄孫慶忌。絳侯周勃玄孫共。舞陽侯樊噲玄

孫之子章。皆為列侯。復爵。

師古曰：共讀曰恭，復音扶。福反。

賜故曲周侯酈商等後玄

孫酈明友等百一十三人。爵關內侯。食邑各有差。郡國大旱蝗。青

隆按：封錫之典，不惟施于當時之宗室大臣，而及推及于先朝之已絕者，而皆復其食邑，蓋莽自為樹恩地也。以故頌功德者得若而人。

州尤甚。民流亡。安漢公四輔三公卿大夫吏民。為百姓困乏。獻其

田宅者二百三十人。張晏曰：王莽為太傅，孔光為太師，王舜為太保，甄豐為少傅，是為四輔。莽復兼大司馬，馬宮為司徒，王崇為司空，是為三公。

以口賦貧民。師古曰：計口而給其田宅。遣使者捕蝗。民捕蝗詣吏，以石斗受錢。師古曰：量蝗多而賞錢。

天下民貲不滿二萬。及被災之郡，不滿十萬，勿租稅。民疾

疫者，舍空邸第，為置醫藥。師古曰：舍止也。賜死者一家六尸以上，葬錢五

千。四尸以上三千，二尸以上二千。罷安定呼沱苑，以為安民縣。師古曰：中山之安定也。沱音大河反。

起官寺市里，募徙貧民。縣次給食，至徙所，賜田宅什

器，假與犁牛種食。師古曰：種音之勇反。又起五里於長安城中，宅二百區，以居

貧民。如淳曰：民居之里。秋，舉勇武有節明兵法郡一人，詣公車。九月，戊申晦，

日有蝕之。救天下徒，使謁者大司馬掾四十四人持節行邊兵。師古曰：行音下更反。

遣執金吾候陳茂，假以鉦鼓。晉灼曰：百官表，執金吾屬官有兩丞，候司馬，應劭曰：將帥乃有鉦鼓。今茂官輕兵少，又但往論曉之耳，所以假鉦鼓者，欲重其威也。鉦音鏡也，似鈴，柄中上下通，師古曰：鉦音征，鏡音女交反。募汝南南陽勇敢吏士三

百人，諭說江湖賊成重等二百餘人，皆自出送家，在所收事。師古曰：言身既

劉攽曰：賊二百皆異縣人，既自

出送家，在所收事也。

石舉治獄平。歲一人。李奇曰：吏治獄平端也。賜公田宅。冬，中二千

三年春，詔有司為皇帝納采安漢公莽女。師古曰：婚禮有納采問名之禮，謂采擇其可娶者。語

在莽傳。又詔光祿大夫劉歆等，襍定婚禮。四輔公卿大夫博士郎

吏家屬，皆以禮娶親迎，立輅併馬。服虔曰：輅音議，立，乘小車也。併馬，驪駕也。師古曰：新定此制也。併音步鼎反。夏

安漢公奏車服制度，吏民養生送終嫁娶奴婢田宅器械之品，立

官稷及學官。師古曰：初立官稷於官社之後，是為一處，今更創置建於別所，不相從也。郡國曰學，縣道邑侯國

曰校。校學置經師一人，鄉曰庠，聚曰序。張晏曰：聚邑落名也。師古曰：聚小於鄉，聚音才喻反。序庠

置孝經師一人。陽陵任橫等自稱將軍，盜庫兵，攻官寺，出囚徒，大

司徒掾督遂皆伏辜。安漢公世子宇與帝外家衛氏有謀，宇下獄

死，誅衛氏。

四年春正月，郊祀高祖，以配天。宗祀孝文，以配上帝。改殷紹嘉公

曰宋公。周承休公曰鄭公。詔曰：蓋夫婦正，則父子親，人倫定矣。前

漢書卷一百一十一

詔有司復貞婦歸女徒。師古曰復音方目反誠欲以防邪辟。師古曰辟讀曰僻全貞信及

眡悼之人。師古曰八十月日眡七年自悼也。眡者老稱言其昏暗也。悼者未成爲人於其死亡可哀悼也。眡音莫報反。刑罰所不加聖

王之所制也。惟苛暴吏多拘繫犯法者親屬婦女老弱。搆怨傷化。

百姓苦之。師古曰搆結也。其明敕百寮婦女非身犯法及男子年八十以

上七歲以下家非坐不道詔所名捕。它皆無得繫。張晏曰名捕謂下詔時所捕也。其

當驗者卽驗問。師古曰就其居而問。定著令。二月丁未立皇后王氏。大赦天

下。遣太僕王憚等八人置副假節分行天下。覽觀風俗。師古曰行音下更反。賜

九卿已下至六百石宗室有屬籍者爵自五大夫以上各有差。師古曰五大夫第九爵。賜天下民爵一級。鰥寡孤獨高年帛夏皇后見于高廟。加

安漢公號曰宰衡。應劭曰周公爲太宰伊尹爲阿衡采伊周之尊以加莽。賜公太夫人號曰功顯君。

封公子安臨皆爲列侯。安漢公奏立明堂辟廱。應劭曰明堂所以正四時出教化明堂上圓下方八

應四達布政之宮在國之陽上八應法八風四達法四時九室法九州十二重法十二月三十六戶法三十六旬七十二闢法七十二候孝經曰宗祀文王於明堂以配上帝上帝

謂古時帝太昊之屬黃帝曰合宮有虞曰總章殷曰陽館周曰明堂辟廱者象璧圓雍之以水象教化流行。尊孝宣廟爲中宗。孝元廟

王禧曰西漢今  
蕭州之地后爲  
吐谷渾都

爲高宗。天子世世獻祭。冬置西海郡。徙天下犯禁者處之。梁王立

有罪自殺。分京師置前輝光後丞烈二郡。更公卿大夫八十一元

士。官名位次及十二州名。分界郡國所屬。罷置改易。天下多事。吏

不能紀。冬大風吹長安城東門屋瓦且盡。

五年春正月。祫祭明堂。應劭曰禮五年而再般祭。壹禘壹祫。祫祭者毀廟與未毀廟之主皆合食於太祖。師古曰祫音洽。諸侯

王二十八人。列侯百二十人。宗室子九百餘人。徵助祭。師古曰徵召也。禮

畢皆益戶。賜爵及金帛。增秩補吏各有差。詔曰。蓋聞帝王以德撫

民。其次親親。以相及也。昔堯陸九族。舜惇敘之。師古曰虞書堯典云昔在帝堯克明峻德以親九族。

九族既睦。平章百姓。咎繇謨曰惇敘九族。庶明厲翼。言堯能明峻德之士而任用之以睦高祖玄孫之親。迺令百姓平和章明。舜又厚敘此親。使衆庶皆明其教。而自勉勵。翼戴上命也。故此朕以皇帝幼年。且統國政。師古曰朕者太皇太后自稱也。惟宗室子皆太祖高

皇帝子孫及兄弟。吳頃楚元之後。師古曰吳頃謂高帝之兄仲也。初爲代王。后廢爲合陽侯。而子游封爲吳王。故追諡

仲爲吳頃王。漢元至今。十有餘萬人。雖有王侯之屬。莫能相糾。或陷

入刑罪。教訓不至之咎也。傳不云乎。君子篤於親。則民興於仁。其

隆按詔令郡國置宗師雖曰教之然令宗師者察其不從教者而得因郵亭以聞則非實制之使不得動而已得四其篡逆而莫之敢撓耳

為宗室自太上皇以來族親各以世氏郡國置宗師以糾之致教

訓焉二千石選有德義者以為宗師考察不從教令有寃失職者

宗師得因郵亭書言宗伯請以聞晉灼曰宗伯宗正也師古曰郵行書舍也言為書以付郵亭令送至宗伯也郵音尤

常以歲正月賜宗師帛各十匹義和劉歆等四人使治明堂辟廱

師古曰為使者而典其事令漢與文王靈臺周公作洛同符太僕王惲等八人使

行風俗宣明德化萬國齊同皆封為列侯徵天下通知逸經古記

天文歷算鍾律小學史篇方術本草及以五經論語孝經爾雅教

授者在所為駕一封軺傳如淳曰律諸當乘傳及發駕置傳者皆持尺五寸木傳信封以御史大夫印章其乘傳參封之參三也有期會

累封兩端端各兩封凡四封也乘置軺傳五封也兩端各二中央一也軺傳兩馬再封之一馬一封也師古曰以一馬駕軺車而乘傳傳音張懸反遣詣京師

至者數千人閏月立梁孝王玄孫之耳孫音為王冬十二月丙午

帝崩于未央宮臣瓚曰帝年九歲即位即位五年壽十四師古曰漢注云帝春秋益壯以母衛太后故怨不悅葬自知益蹶蹶殺之謀由是生因到臘日

上椒酒置藥酒中故翟義大救天下有司議曰禮臣不殤君皇帝年十有

四歲宜以禮歛加元服師古曰歛音力勝反奏可葬康陵臣瓚曰在長安北六十里詔曰皇帝

仁惠無不顧哀師古曰言帝平生多所顧念哀憐每疾一發氣輒上逆害於言語故不

及有遺詔其出媵妾皆歸家得嫁如孝文時故事師古曰媵妾謂從皇后俱來者媵之首送也媵音食證反又音孕

贊曰孝平之世政自莽出褒善顯功以自尊盛觀其文辭方外百


蠻亡思不服師古曰大雅文王有聲之詩曰自東自西自南自北亡思不服言武王於鎬京行辟雍之禮自四方來觀者皆感其德化必無不歸服故此贊

引之休徵嘉應頌聲並作師古曰休美也徵證也至乎變異見於上民怨於下莽

亦不能文也如淳曰不可復文飾也

應隆接二文字相

漢書評林卷之十一終



持56

23

讀書評林

第三本